



ПАЗАЛАНЪЫ
дин назмула

Лепшокъланы Хусеин

ТАЗАЛАНЫУ

(дин назмула)

Къарачай шахар

ББК 86.37 (2 Рос. КАРА)

Л 48

Х.У. ЛЕПШОКОВ

**ОЧИЩЕНИЕ
СТИХИ**

Редактор: Казим хаджи Катчиев - имам хатыбы
города Черкесска, член совета
улемов исламской религии
в Карачаево-Черкесии.

Народный поэт КЧР, Хусеин Узеирович Лепшоков автор книг «Дорога праведных», «Имена Аллаха», посвящённых непрекосновенным ценностям Ислама. Новая книга «Очищение» продолжает эту тему. Автор с присущим ему пафосным, поэтическим словом призывает людей к духовно-нравственному очищению.

Он простым, доступным для читателей языком рассказывает о Величии Аллаха, Его мудрости и справедливости.

кара.: 6618

Государственная
национальная библиотека
Карачаево-Черкесскесии
369000, Россия, КЧР, г. Черкесск
ул. Красноармейская 49

© Х.У. Лепшоков, 2015

ДЕПОЗИТАРИЙ

Бисмиллаахир-рахмаанир-рахим

Тюзлюкню чучхуру кьююлады

Къарачай-Черкесияны халкъ поэти Лепшокъланы Узери джашы Хусеинни бусагъатха дери дин бла байламлы «Сууаблыкъны джолу», «Аллахны токъсан тогъуз аты» деген китаблары басмадан чыкъгъандыла.

Поэтни бу ючюнчю китабыды. Автор анга «Тазаланыу» деб атагъанды. Ислам динни билиб, аны джорукъларын тутхан адам, аманлыкъдан, гюнахлыкъдан кесин тыярыкъды. Джюрегин, иннетин, ич сезимлерин тазаларыкъды. Тарлыкъдан, зарлыкъдан, кир иннетлиликден ариуланныкъды.

Сыйлы Къур¹анда «Аль Ихлас» (Тазаланыу) деген сурада былай айтылады:

Айт: Ол Аллах бирди,

Аллах Ёмюрлюкдю.

Ол туудурмагъанды, туумагъанды.

Анга тенг, Аныча болгъан болмагъанды.

Адам Уллу Аллага махтаула бериб, Андан тилекле тилесе, аны тазаланныгъы хакъды.

Хусеин «Тазаланыу» деген китабында 100 строфадан къурагъан назмусуна «Сууаблыкъны кюню - дин» деб атагъанды. Анда сёз Ислам динни кертилигини, тюзлюгюню, ашхылыгъыны юсюнден барады. Бу дин джерни юсюне Ал-

лахдан саугъа болуб келгени ачыкъланады. Ол назму адам-
ланы сууаб ишле этиуге чакъырады. Китабда къалгъан наз-
мула да Ислам динни тамалында джазылгъандыла.

Адам улу билим алыуун тохтатмай джашаргъа керекди.
Аллахны уллулугъун, кючлюлюгюн сезерге, билирге тыр-
машхан адамланы иманлары бегийди. Аллах айтса, Хусеин-
ни бу китабы муслиманлагъа тыйыншлы саугъа болур деб,
ышанама.

Аллахны рахматын табайыкъ.

Катчиланы Казим хаджи,
Черкесск шахарны имам хатыбы, Къарачай-Черкесияда
Ислам динни Алим советини члени.



ИГИЛИКНИ НЮРЮ

ИЙНАНАМА, МЕНИ БИЙИМДИ АЛЛАХ

Эртденнгиде булбул татлы джырлайды,
Къаяда джугъутур – тау патчах.
Сезим хазнамы сейир тазалайды,
Ийнанама, мени бийимди АЛЛАХ.

Къанат кериб кюн да кёкден къарайды,
Ёзенледе джожъду бир палах.
Мамыр джашау, суймеклик ийнаялайды,
Ийнанама, мени бийимди АЛЛАХ.

Кюмюш чучхуройнайды, шоркъулдайды,
Минги Тауда джылтырай бузла.
Джерни юсюн ариулукъ къучакълайды,
Ийнанама, мени бийимди АЛЛАХ.





АЛЛАХНЫ КЪУДУРЕТИ

Бир АЛЛАХДЫ алтын Кюнню
Келбет джуртха тийдирген,
Мийикледе сейир гюлню,
Джылыу бере ёсдюрген.

Таулагъа эм ёзенлеге
Джашил кийим кийдирген,
Гокка ханслы бетледе
Къой сюрюуле кютдюрген.

Джети къатында джерни
Чокъуракъ суу сюздюрген.
Буруб, булут тизгинлени
Мийикледе джюздюрген.

Джауум бериб, джаз, джай кюзде
Уллу байлыкъ битдирген,
Адамланы джер юсюнде
Муратлагъа джетдирген.





Къушланы кёксюл хауада
Учуругъа джаратхан,
Тогъай мюйюз джугъутурну
Тау тёппеден къаратхан.

Алтын Кюнню таякъларын
Ингирликде батдыргъан.
Кечени аякъларын
Къоратыб, танг атдыргъан.

Эртденликде ариулукъгъа,
Сейирликге къаратхан
Дун-дунияда Бир АЛЛАХДЫ,
Хар нени да джаратхан.

Аны ючюн биз тобагъа,
Аккыл болмай, къайтайыкъ.
Аны ючюн биз АЛЛАХХА,
Уллу махтау айтайыкъ.





НЮР ДЖАРЫКЪ

Намаз керти нюр джарыкъды,
Адамны тюз джолгъа салгъан.
Ол сениге ашхы дагъанды,
АЛЛАХНЫ аллына барсанг.

Ич дуниянгы тазалайды,
Кёб аманлыкъдан сакълайд.
Сууаблыкъны джоралайды,
Джылыуу бла ийнакълайд.

Джулдузу джаныб турады,
Джолубузну бек джарытад.
Чокъуракъ толкъунун бурады,
Бизни джандетге атлатад.

Сууаблыгъы терк джетеди,
Огъур кючюн бизге чачад.
АЛЛАХХА джууукъ элтеди,
Джюрекни тазалаб ачад.





ЗЕКЯТ

Хар джыл сайын рысхынгдан
Борчду зекят берирге.
Алайсыз, сууаблыкьдан
Болмаз кьанат керирге.

Сансыз этмей джазыкьны,
Эс бёлсенг джарлылагьа,
Халал болур азыгьынг,
Болушсанг онгсузлагьа.

Сен АЛЛАХХА табыныб
Джашамасанг дуняда,
Айланырса абыныб,
Турсаңг да алтын кьалада.

Чомарт кьолгьа берекет
Кьайтыргьа ёч болад.
Этсенг сууаб харакет,
Дуниянг насыбдан толад.





Зесят бермеген адам,
Джюз абыныр, сюрюнюр.
Садакъя берсенг, тамам
Джашауунг боллукъду нюр.





ОРАЗА

Рамадан ай, нюр чача,
Хар джыл сайын келеди,
Джюрекге мадар ача,
Сууаб саугъа береди.

Ораза тутхан адам
Аны, ашыгъыб, сакълайды.
Таза джюрекден тамам
Кёб сууаблыкъ къатлайды.

Рамадан ай башланса,
Бек джумушакъ халалды.
Ол белине таянса,
Бек сейирлик амалды.

Ай бошала тебресе,
Сууаб хазна джетеди.
Бу айда тилек тиленсе,
АЛЛАХ къабыл этеди.





Оразада шайтанны
Муратлары оюлады.
Къадыр* кечеси Рамаданны,
Джерге джарыкъ джаяды.

Бир айны АЛЛАХ ючюн
Биз ораза тутабыз.
Сууаб болсун деб хар кюн,
Тилек тилеб турабыз.

Сыйлы айда кече, кюн,
Кёб ашхы зат тилейбиз.
Сууаблыкъ джерни юсюн
Кючлеригин излейбиз.

АЛЛАХ, муслиманланы
Къутхар къыйынлыкъладан.
Кенг эт ийнанганланы
Отха къуюллукъладан.

* Къадыр кече деб Къуранны биринчи аятларын АЛЛАХ Мухаммад фйгъам-баргъа (АЛЛАХНЫ саламы анга болсун) кёкден джиберген кечеге айтадыла. Ол кече минг айдан сууабды.





ХАДЖ

Рысхынг, саулугъунг болса,
Хадж кылыргъа барырса,
Джюрегинг нюрден толуб,
Кюн таякъча джарырса.

Фарызынгы толтурсанг,
Сен терс атлам этмезсе,
Сууаб хазнадан толсанг,
Гюнах джолну кетмезсе.

Кябада намаз кылыб,
Уллу саугъа алырса,
Онг къолунгу узатыб,
Сыйлы ташха салырса.

Сафа, Марва таулагъа
Сен ашыгъыб чабарса,
Къараб сыйлы Кябагъа,
Къуаннгандан чагъарса.





Мамыр джерде суйюнуб,
Насыб бла байынырса,
Сенден зарлыкь кенг кетиб,
Кертиликде айнырса.

Сейирлик Арафатда,
Билим ёлче керирсе,
Джюрегингден махтаула
Сен АЛЛАХХА берирсе.

Муздалифде учунуб,
Акьыл, сезим алырса,
Башхала бла сен туруб,
Намаз кьылыб, джарырса.

Муздалифден Минагъа,
Кюн чыкьмайын барырса,
Кьууаныб тазалыкьда
Сен ташчыкьла алырса.





Хурмет толуб ёзюнгде,
Джарыкъ нюрге батарса.
Тилек тилеб сёзюнгде,
Хар ташчыкъны атарса.

Борч толтуруб, мал кесиб,
Джарлылагъа чачарса,
Тазалыкъ сенде ёсюб,
Насыб эшик ачарса.

Къошакъ этмей АЛЛАХХА,
Сен ызынга къайтырса.
Джетиб уллу огъургъа,
Сууаб джолда джарырса.





ДЖАШАУНУ МАГЪАНАСЫ

Джашауну магъанасы АЛЛАХХА баш урууду,
Къуран окъуб, иман бла керти джолда турууду.
Ёлюмге, туугъаннга, Къыяматха ийнаныуду,
Игиликге къууаныб, аманнга къыйналыуду.

Адам, ырызын тас этмей, юсде тутууду,
Иги юйдеги ёсдюрюб, ачыкъ къууаныуду.
Къуран берген билимге джюрекни кенг ачыуду,
Хар заманда, хар кюнде АЛЛАХХА ышаныуду.

Керти ишни, джибин къатлаб, махтаулу тутууду,
Ата-ананы джарытыб, насыб берген джылыуду.
Кесинге излегенинги къарнашынга табыуду,
Бир АЛЛАХХА, арымай, къуллукъ этген къарыуду.

Башхаланы мамырлы, тюз джолгъа чакъырыуду,
Палахладан къутхарлыкъ, билим тёрде барыуду,
Сууаблыкъны джуддузун мийикден къаратыуду,
Ислам динни нюрю бла джюрекни джарытыуду.





Тюз джолгъа джыйылыб, харамдан кенгде къалыуду,
Чомартлыкъ нёгер болуб, уллу сууаб алыуду,
Алдамай, не джашырмай халны тюзюн айтыуду,
АЛЛАХДАН кечмеклик тилеб, тобагъа къайтыуду.

Тюз иннет бла дуня Бийге, къурманлыкъ этиудю,
Шайтан, джиннге алдатмайын, сууаб джолну кетиудю,
Иннетинг, сёзюнг бир болуб, муратлагъа джетиудю,
Сыйынг бла, иман бла бу дунядан кетиудю.



Кара.: 6618

Государственная
национальная библиотека
Карачаево-Черкесскесии
369000, Россия, КЧР, г. Черкесск
ул. Красноармейская 49





МУСЛИМАНЧЫЛЫГЪЫНГ

Муслиманчылыгъынг сени
Толу иман келтириудю,
Муратларын шайтан, джинни
Джашауунгда ёлтюрюудю.

Бир АЛЛАХНЫ буйрукъларын
Джюрек тёрден толтурууду,
Тыйгъанындан бек сакъланыб,
Анга тамам бойсунууду.

Ол кьурагъан бу дуняда
Сыйлы, онглу да болууду,
Ийнаныу бла нюр уяда
Ашхылыкъладан толууду.

Тюз билим, уллу кюч салыб
Ол суйгенлени суйюудю,
Джюрегиңге АЛЛАХНЫ алыб,
Кёб игиликге этиудю.





Уллу АЛЛАХНЫ ангылаб,
Анга джюрекни бурууду,
Бюсюреу этиб, разылаб,
Аны унутмай турууду.

Бисмиллях деб, хар ишинги
Ол айтханча башлауду,
Халкъгъа юлешиб билиминги,
Берекетде джашнауду.

Къуран окъуб, намаз этиб,
Оразангы тутууду,
Хадж къылыб, садакъа бериб,
Кёб сууаблыкъ этиудю.

Тилеб, тобагъа къайтыб,
Гюнахынги кечдириудю,
Ёлгюнчюн тюз затны айтыб,
Сууаб гюлле ёсдюрюудю.





Ислам динни затларына
Дагъан боллукъ къарыуунгду,
Уллу АЛЛАХНЫ аллына
Джарыкъ бетден барыуунгду.





КЪУТХАРЫУНУ ЧОКЪУРАГЪЫ

Ислам динни таза чокъурагъындан,
Суусаб къандырыб, тогъуб ичейик,
Ашхылыкъ джарытхан чучхурларындан
Чомарт юлюшлени биз излейик.

Сабий джыламукудан таза кёзлеюнде
Джюрек къылланы ашхы джууайыкъ.
Джумушакъ, салкъын джазгъы кюнлеринде
Сууаблыкъны гюллерин джыяйыкъ.

Сейирлик, таурухлу тангын къучакълаб,
Туру суймекликден биз толайыкъ.
Насыб берген кюмюш шоркъаны ийнакълаб,
Багъалы саугъаны, къууаныб, алайыкъ.

Учундурады сууаб джилтинлери,
Джарыкъ нюр тегюледи тохтаусуз.
Игиликни сейирлик кюзгюлери,
Тюз джолну кеггюзелле къоркъуусуз.





Фахмулу ишленгенле аны таулары,
Хазналары кенгенге узакъ джайылыб.
Джюрекге джагъылалла татлы баллары,
Къыллерын чакъдырыб, энчи сугъарыб.

Салкъын аязы ийнакълайды, сылайд,
Гюл ийсни тегюб юсюбюзге.
Къутхарыуну сууаб джырын джырлайд,
Насыб джулдузну джандырыб бизге.





АЛЛАХ ТУРУДУ

АЛЛАХ ачыкды, къарыулуд, кючлюдю,
Джарыгъы кёкlege, джерге джетеди.
Тохтаусуз джарытыб турады, нюрлюдю,
Кёкден джерге суймеклиги энеди.

Ол джангыз бирди, Аны тенгли джокъду,
Арымайды, таркъаймайды, солумайд.
Болгъандан, боллукъдан билими токъду,
Бек кючлюдю, аны бир зат къорумайд.

Ариулукъну, насыбны иесиди,
Анга тенг джокъду, кёреди нени да.
Ол хар тауушну ачыкъ эшитеди,
Билед муратын, сезимин кимни да.

Чомарт джылыуу, джерни джылытады,
Уллу кючюн Ол бизге юлешеди.
Джюрекни тамырларын сугъарады,
Ачыкъ тил бла джумушакъ сёлешеди.





Ашхыланыуну АЛЛАХ джетдиреди,
Хар тукьум затланы болдуруучуду.
Ол излемин суйгенича этеди,
Кеси разылыгы бла джаратыучуду.

Игилик бериучю, чырт тауусулмайд,
Тобагъа къайтханны кечиб башлайды.
Аны къудуретинден башха зат болмайд,
Хар не, Ол бергенни ашаб джашайды.

Рахматы кенгиге узакъ джайылады,
Дунияланы Ол джангыз иесиди.
Кёкледе, джерде сёзю сайланады,
Аламда болгъан хазнаны Бийиди.

АЛЛАХУ ТАГЪАЛА бек тюзлюкчюдю,
Хар джаннга тыйыншлысын табдырлыкъды.
Иманлылагъа насыб бериучюдю,
Ийнанмагъанланы азабларыкъды.





Анга баш ургъанны гюнахын кечеди,
Ашхылыкъ бла аны джюрегин джарытады.
Аны тилеклерин къабыл этеди,
Кесини рахматындан табдырады.

АЛЛАХ айыбдан, кемликден тазады,
Джаратылыннган затха ушамайд.
Ол адамлагъа сынаула салады,
Терсни, тюзню сюзед, арымайд, талмайд.

Джер юсюнде къулларын джокълаучуду,
Аланы Ол хаталадан къоруйду.
Адамда билим, иман сакълаучуду,
АЛЛАХ къулуна джууукъду, туруду.





КЪУРАН

Уллу АЛЛАХХА баш уруб,
Тюз иннетли болайыкъ.
Сыйлы Къуранны окъуб,
Керти джолну барайыкъ.

Сураларын, аятларын,
Эсибизде тутайыкъ.
Терс ишледен, гюнахладан,
Дайым кери къалайыкъ.

Мухаммадны (а.с.) унутмайын,
Аны джолун барайыкъ.
Ашхылыкъны къурутмайын,
Сууаб кюнню къатлайыкъ.





АЛЛАХХА МАХТАУ БЕРЕМЕ

Махтау береме сыйлы Аллаха,
Джети кёкню, джерни жаратханнга.
Махтау береме, сыйлы Аллаха,
Кёкледе, джерде патчах болганнга.

Уллу АЛЛАХ, кеч, деб баш урганнга,
Джазыкъсыныб, кечмеклик беред.
Аны аллында тобукъланганнга,
Рахмат этиб, къанатын керед.

Джашырылганны, ачыкны билген,
Уллуду Ол, дуняны къураган.
Бек махтаулуду хар нени кёрген,
Джер юсюне адамланы джайган.

Кёкден тюшгенни, кёкге чыкыганны,
Барын эслеген, дуня жарыгыд.
Учхан сезимни, шыбырдаганны,
Билед, боллукъ затны патчахыд.





Эм мийикден аламгъа къарайд,
Тюзлюкню джолун ачыкъ кѣргюзте.
Кесиди, бирди, ачыкълай турад,
Дунияны чархын бурад, джюрюте.

Джерни юсюнде нюрю танылад,
Халал урунсанг, халал ашатад.
Саулай Аламгъа кючю джайылад,
Адам улуну АЛЛАХ джашатад.

АЛЛАХ бирди деб, бек ийнанганны,
АЛЛАХ кечиб, джандет бла сыйлар.
Анга баш урмай, асси баргъанны,
АЛЛАХ кючлюд, джаханимде къыйнар.





АЛЛАХНЫ СЮЙГЕНЛЕ

АЛЛАХНЫ суйгенле джандетге барлыкдыла,
Насыб кюн джарытыб джолларын,
Анда излемлерин ала табарыкдыла,
Керилтиб сууаблы санларын.

Тюзлюкню, кертиликни ала унутмайын,
АЛЛАХНЫ хар айтханын этиб.
Джюрекни кюзгюсюне букю кьондурмайын,
Барадыла сууаб джолну кетиб.

Ислам динни джуддузуну нюрюн джукълатмайын,
Анга къайгырыб, кертилик сакълаб.
Ибилисге кеслерин бир да алдатмайын,
Джашайдыла, тюзлюк бла атлаб.

Ала сууаблы да, сыйлы да боладыла,
Насыбны батмазлыкъ кюнюн джарытыб.
Кючленген иманны нюрюнден толадыла,
Джюрек кылларын сейир джырлатыб.





САДАКЪА

Садакъасын махтаныб берген дурус тюлд,
Хыликке этгенлени муратлары кюлд.
Аны ашхы кёлюнг бла берирге керекди,
Садакъа-сууаб кёгетли алтын терекди.

Садакъа кёлтюрюб, къучагъынгы керсенг,
Таза джюрегинг бла аны суююб берсенг,
Ол АЛЛАХУ ТАГЪАЛАГЪА джетерикди,
Эки дуниянг да зауукъда ётерикди.

Сууаб ишни кесинг разы болуб этсенг,
Рысхынгдан юлюшлеб, джарыкъ джолну кетсенг,
Къудуретли къабчыгъынга саугъа салырса,
Гюнахдан, джаханимден кенгде къалырса.

Сен джарлыны керекли затын табдырсанг,
Бек къууандырыб, такъыр кёлюн джарытсанг,
Садакъаны тюзю, багъалысы олду,
Аны суююб берген чомарт, халал, къолду.





Садакъя тилесе биреу, кьолун узатыб,
Ачлыгъын кьоратыргъа, бир къабын къабыб.
Джууаб этиб, кьутуруб, аманнга джетме,
Аны мыдах кёзлерине хыны къараб кетме.

Джокълукъну джели аны сюргенд узакъгъа,
Чилле джиб бла онгсузну байлаб тузакъгъа,
Сыйлы АЛЛАХ джаратханд, ол да Аны кьулуду,
Джерде джашайд, сенича адам улуду.





МУСЛИМАН БОЛУР

Бир АЛЛАХХА баш ургъан,
Кючлю имандан толур.
Ислам динни тюз тутхан,
Керти муслиман болур.

Мухаммад (а.с.) файгъамбарны
Джарыкъ джолун ол тутса,
Терсейгенни, аджашханны,
Кёрюб, тюзюне бурса.

Бизге саугъагъа келген
Ашхы диннге ийнанса.
Адамгъа билим берген,
Нюр Къураннга бойсунса.

Ислам динни джолундан
Чыкъмагъанлай ол барса,
АЛЛАХ берген рысхысындан,
Садакъасын бералса...





Мылы кюсегенча джер,
Оразаны сакъласа.
Мангылайдан сюртюб тер,
Ол Кябаны джокъласа.

Кесиндеча хар затын,
Къарнашына табалса.
Ата, ана разылыгъын,
Бу дуняда алалса.

Хыйлагъа, зыйналыкъгъа,
Терилмейин тыйылса.
Къоркъмайын джол узакъдан,
Билим таугъа джыйылса.

Ол берликди тынч джууаб,
Сууаб ёлче керилсе.
Къыямат Кюн иши таб,
Онг джанындан берилсе.





СЕЗЕРСЕ СУУАБНЫ СЮЙЮННГЕНИН

АЛЛАХНЫ унутма, эсгергенлей тур,
Алгыш джырларынгы сен уятыб.
Патчахха умутунгу, ич дуниянгы бур,
Разылыкъ билдир, Анга къайтыб.

Зикир айт, джарыгы сениге келир,
Сыйынг ашхыны мийигине ёрлер.
АЛЛАХНЫ махтагъан насыблы болур,
Иннети, акъылы, сууабны джерлер.

Билмегенинги этме, джандыр джулдуз,
Сакълан амандан, ачмайын ичин.
Тюз сезиминги этмегенлей, мутхуз,
Джарыт джюрекни сууаб кёзлерин.

Джарлыгъа суймеклик джарыгынгдан бер,
Тюртме узакъгъа, анга джууукълаш.
Махтау къанатынгы Бир АЛЛАХХА кер,
Толурса уллу сууабдан джууаш.





Тюзню, тазалыкъны джудузун джандыр,
Керти сѣлеш зикирни хакъындан.
Насыбны заманын соз, узакъ бардыр,
Махтау бер Патчахха джюрек тансыкъдан.

Багъалатыб хурметни сейир гюллерин,
Зикир айт АЛЛАХХА, борчунгу толтур.
Сезерсе сууабны ашхы суююннгенин,
Къутхарыуну сеннге бурулгъанын.





ДЖУУАБЛЫЛЫКЪНЫ СЕЗ

АЛЛАХ кёклени, джерни кьурагъанды,
Кюнню, айны, джулдузланы кьаратханды,
Къарангыны эм джарыкъны салгъанды,
Адамны топуракъдан джаратханды.

Инсанны неден да акъыллы этгенди,
Джер юсюнде джашаргъа заман бергенди,
Къалай, турлугъун, этерин кёргюзгенди,
Кёб таша затланы анга билдиргенди.

Хар не да Аны оноундады,
Къыямат Кюн АЛЛАХНЫ кьолундады.
Къулуну дараджасын кёргюзтюрюкдю,
Аны джыйгъан хазнасын кёлтюрюкдю.





ИЙНАНЫУ ДЖЮРЕКДЕН КЪУРУМАСЫН

Насыбсызды гюнахлагъа хорлатхан,
Хар затха мардасыз берилиб тебреген,
Тюзлюкге джюрек джилтинлерин джукълатхан,
Излеген затына кемсиз тюбеген.

Ийнанмагъанлыкъ батдырад азаб къобаннга,
Аны ахыры джаханимден къаратад.
Сыйсыз этиб, бардырады тубаннга,
Азаблыкъны бек теренине тартад.

Ийнаныу адамны керелейд джарыгъын,
Джунчутмайды, къутхарад гюнахладан.
Табдырады сууаблыкъны азыгъын,
Сыйлы этиб, сакълайды палахладан.

Тюз джашауну бериб, анга къайгъырад,
Ийнаныуну керекди унутмазгъа.
Ислам динни джолунда къууандырад,
Керекди аны джюрекден къурутмазгъа.





АЛЛАХХА БЕРИЛЕЙИК

Танг алада биз, кюмюш чыкъда атлай,
Тау булбулну ауазына тынгылай,
Эртденликде кьууанч, насыб керейик,
Бир АЛЛАХХА кёб махтаула берейик.

Ислам динни джюрекге терен алыб,
Ашхылыкъны учунган джолун алыб,
Толу иманны джарыкъ кючюн сезейик,
Бир АЛЛАХХА кёб махтаула берейик.

Чууакъ кёкде джулдуз сюрюуге кьарай,
Толгъан айны, эркелетиб, ийнаялай,
Кьураучуну ашхы кючюн билейик,
Бир АЛЛАХХА кёб махтаула берейик.

Чучхурланы джырларына тынгылай,
Мийик учхан кюмюш тамчыгъа кьарай,
Къаяланы, киришлени эслейик,
Бир АЛЛАХХА кёб махтаула берейик.





Тау текеле кыая эрнинде ойнай,
Гюллю тауну кюмюш шоркыасы джырлай,
Халкыбызгыа игиликле тилейик,
Бир АЛЛАХХА кёб махтаула берейик.

Буу балала ёкюре талалада,
Гара суула секире кыаялада,
Ариулукыгыа эсибизни иейик,
Бир АЛЛАХХА кёб махтаула берейик.

Ашхылыкыны сейир гоккасын сылай,
Салкыын аяз тау ёзенлени аулай,
Сууаблыкыны кенг дуниясын сюейик,
Бир АЛЛАХХА кёб махтаула берейик.

Ашыбызгыа, сууубузгыа кыууаныб,
Бериучюден тилегибизни табыб,
Кече, кюн да кыадалыб кюрешейик,
Бир АЛЛАХХА кёб махтаула берейик.





ДЖУМУШАКЪ АНГЫЛАТ

Джюрек сезиминги эсинг бла ийнакълай,
Керекли магъананы ариу ангылат.
Аузунгдан чыкъгъан балсытхан сёз бла, джырлай,
Тюшюндюр адамны, сылаб, джумушат.

Ачыкъ суююмюнг джарытыб, къучакълай,
Сёзню ариу эшитдир, тамаша болуб.
Татлы тил бла ушакъны бардыр, ачыкълай,
Джюрекге ётерча, насыбдан толуб.

Джашауну джолларында тегюле нюрюнг,
АЛЛАХНЫ буйругъун толтурсун сезиминг.
Шохлукъ джашнатханлай, тийиб джарыкъ кюнюнг,
Ёмюрде джукъланмай, хорласын тёзюмюнг.

Таза иннетинги сен тюзлюк кюнюн,
Хазнасын башхагъа сериуюн бер.
Адамла сёзюнге суйюб тынгылар ючюн,
Айбат сёлеш, ашхылыкъгъа къаңат кер.





Къуран юретгенча тюз, керти айтыб,
Адамны терс затдан, аджашыудан тый.
Сёзюнгде, сууаблыкыгъа, АЛЛАХХА кыйтыб,
Инсанны башына тюз акъылын джый.





АЛЛАХНЫ СЮЕЙИК

Динге ийнаныб тутханла мамырлыкъ
АЛЛАХНЫ джолунда этелле джоюм.
Тюзлюкчюле, джюрютгенле сабырлыкъ,
Бийге бойсуналла, этелле оюм.

Ала джашайла, АЛЛАХХА табыныб,
Кеч, деб тилейдиле гюнахларын.
Сюзюб, терс ишлерин базманнга салыб,
Кеч, кьурут, деб этген палахларын.

АЛЛАХНЫ кючю тюзлюкню беред,
Керти сюдюд деб, болалла шагъат.
Анга баш ургъан кьууанчлыкъ керед,
Джюрегинде аны сууаб гюл чагъад.

АЛЛАХ чомартлыкъны керти иесид,
Кёкледе, джерде нени да кёред.
Ташаны, туруну ачыкъ билиучюд,
Сансыз, санаусуз йгилик беред.





Биз Уллу АЛЛАХНЫ кемсиз сюейик,
Файгъамбарыбызны джолун барыб.
Гюнахларыбызны биз кечиртейик,
Тобагъа къайтыб, джюрекле джарыб.





РЫСХЫГЪА БЕРИЛГЕН

Байлыкъны, хазнаны суюген,
Хыйлалыкъны уста билген,
Фитналыкъгъа берген кесин,
Рысхыгъа бек ийген эсин

Унутады ол АЛЛАХНЫ,
Табады кёб палахны.
Умутлары болуб ассы,
Муратлары-къара, джассы.

Бек джутланыб ачха джыяд,
Тюзлюк джолдан кесин тыяд.
Умуту бийлергед джерни,
Атады ол харам терни.

Эси сагъыш бла таланад,
Харакет санаб, къууанад.
Ачха чыгъарад дженгинден,
Кенгдед джууукъдан, тенгинден.





Аманлыкъ джолда айланад,
Харам хакъ бла байланад.
Терсине бурады кёлюн,
Алай ётдюред ёмюрюн.

Зарлыкъны отундан толуб,
Ассы шайтаннга кьул болуб.
Кёб зат урлайд анга базыб,
Джашайд бети, кьуту азыб.

Кёз ачаргъа къала ишлейд,
Анда аны тутмакъ кючлейд.
Ачха деген бек джангылтад,
Аманлыкъгъа ол талпытад.

Аллай барады абыныб,
Хазнагъа ёмюрю табыныб.
Джюрегинде гюнах чагъыб,
Джылла озуб, заман саркъыб.





Ол фитнала бла кенгешед,
Рысхы джолунда сермешед,
Кюрешед хаман тырнакълаб,
Тоялмай барад, ыргъакълаб.

Шайтан джолундад барыуу,
Таркъайса да къарыуу.
Джутлукъ къоймайды чырт аны,
Инджилсе да бютеу саны.

Джашайд, иманын тас этиб,
Шайтанны кёлуне джетиб,
Насыбсыз барад ёрлениб,
Ибилис кюч бла джерлениб.

Иннетин къап-къара этиб,
Дуня малгъа эси кетиб.
Аманнга таяныб турад,
Этмейди бир ашхы мурат.





Джалгъан сѣзлюдю, тутхучсуз,
Кѣрюнед сууукъ гыйы буз.
Ибилисге сый, махтау беред,
Алдауукъгъа къанат керед.

Ол фитна, уятсыз болуб,
Шайтан буйрукъладан толуб,
Эки бетли бла бир болад,
Уллу гюнахладан толад.

Кѣбюб джатады, сойланыб,
Ол харамлыкъгъа байланыб,
Айырылмайд джазыкълыкъдан,
Къуру къадад джарыкълыкълан.

Ауузлада от джандырад,
Аны бла кѣлюн къандырад.
Уруш, къазауат да этед,
Шайтанны кѣлюне джетед.





Джюрек элиясы чартлайд,
Хыйлалыкъны таймай марайд.
Бугъанды бойнундан джутлукъ,
Иннетине синггенд къуртлукъ.

Чыкъмайд гюнахлы къучакъдан,
Азбландырлыкъ тузакъдан,
Ол кирленген сууда джюзед,
Адамлыкъны джолун юзед.

Тюзюне бурса джюрегин,
Излей АЛЛАХДАН тилегин.
Харам ишледен тыйылыб,
Шерият джорукъгъа сыйыныб.

Болмаз джаханим тамызыкъ,
Ачы шынкъарт отуха азыкъ,
Къураннга толу иер эсин,
Ислам диннге берир кесин.





АЛЛАХ кыйынлыкъ сынатмаз,
Аны, термилтиб, джылатмаз.
Джарыкъ нюр этер кюнлерин,
Ёсдюрюр сууаб гюллерин.





БОЛУРБУЗ КЕЧИЛИРГЕ

Билмей этген аманлыгъынг ючюн,
Терк къайтсанг сен тобагъа.
Ёкюнуб, тилеб кюрешсенг бютюн,
Чыгъыб сокъураннган талагъа.

Аллай тобаны АЛЛАХ къабыл этед,
Акъылман эшитед тилекни.
Тилекчиге кечмеклик да беред,
Хазнадан джашнатады джерни.

АЛЛАХ хатерлид, аны билейик,
Кюрешейик биз тюзелирге.
Аны рахматын кюсеб излейик,
Болурбуз джашауда кечилирге.





СУУАБ ИШНИ УНУТМА

Харамладан сакълансанг,
Сен тюзлюкчю болурса.
Сууаблыкъ бла джакълансанг,
Сен насыбдан толурса.

Душманлыкъны кючюн чачсанг,
Сен сууаблыкъ табарса.
Шохлукъгъа кьучакъ ачсанг,
Шох юйюрте джашарса.

Игилик этиб, кьууансанг,
Сен джарсыуланы билмезсе.
Аманлыгъынга кьыйналсанг,
Гюнахлагъа дженгдирмезсе.

Джюрек кьылынгы кьыйнарыкъ,
Затны этмезсе, тутмазса.
Ашхылыкъ бла саугъаларыкъ,
Иги ишни унутмазса.





НЮР ДЖУЛДУЗ ДЖАНАР

АЛЛАХНЫ, адамланы аллында тохтаусуз
Сыйынгы тюшюрлюк зат этме, тыйыл.
Иманынгы джарыт, джандыр сууаб джулдуз.
Баш ур АЛЛАХХА, тюз джолгъа джыйыл.

Толтур игиликден джюрегинги, эсинги,
АЛЛАХ бергенд ашхылыкъ джер юсюне.
Сууаб ишлеге хазырла кесинги.
Билим бла бурул сен тюзюне.

Букъу тенгли бир болса да, игиликле эт,
Бютеу гюнахладан сен бол узакъда.
Ачыуланмай, даулашмай муратлагъа джет,
Чомарт юлгюлю насыбны тутарса къолда.

Тюзлюкню чокъурагъын изле ашыгъыш,
Кертиликни кючюн бегит арада.
Джумушакълыкъны джырын джырла, эт алгъыш,
Игилик къатла ашхы къалада.





Джюрек чучхурунгу эшитиб тауушун,
Тюз иннет бла ишле этсенг к'айгырыб,
Джанынг к'юуаныр, к'ерюб гюллени ауушун,
Нюр джуддуз джанар, джолунгу джарытыб.





БИЛИМ

Билим джюреклени алтын гюлюд.
Ол ашхылыкъны сейир булбулуд.
Сууаблыкъны джарытхан кюнюд,
Аманлыкъдан сакълагъан джулдузд.

Сен кёб заманны окъургъа берил,
Эринчекликге хорлатма, кюреш.
Толу билим алыб, рахат керил,
Мамырлыкъ орнат, ашхылыкъ юлеш.

Басымлы, адебли, сен сабыр бол,
Намысны тутуб, тол тазалыкъдан.
Устазынгы сыйла, билимге ач джол,
Джашна огъурлукъну джарыгъындан.

Ата-ананы айтханларын эт,
Сёлешме алагъа ачуланыб.
Тёзюмлю болуб, насыбынга джет,
Ёсдюргенле сеңи, кыйын салыб.





Ала джашау хазнангдыла, нюрюнг
Сабийликде, толсанг да акъ тюкледен,
Къууанчынгдыла, насыблы тёрюнг,
Сеннге кюн тиеди огъур кёзледен.





НАМАЗ

Намаз - ийнаныуну кючлю дагъаныды,
Намаз - джюрекни дарман-дарысыды.

Намаз - иманны чыммакъ къанатларыды,
Намаз - джандетни гюллю тауларыды.

Намаз - генезирликден кери этеди,
Намаз - сууаблыкъ тёрюне элтеди.

Намаз - кёкюрекде нюрню джарыгъыды,
Намаз - акъылны сейир чырагъыды.

Намаз - тазалыкъны кёк чокъурагъыды,
Намаз - рахатлыкъны джазгъы балхамыды.

Намаз - къарнашлыкъны кючюн бегитеди,
Намаз - шохлукъну кёпюрюн ишлетеди.





Намаз - игиликле, хайыр табдырады,
Намаз - ачыуну узакъгъа атдырады.

Намаз - джаннга игиликле этдиреди,
Намаз - джандет насыбха джетдиреди.





МЕЖГИТ

Муслиманны межгити кьаласыд, аралыгъыд,
Сыйлылыкъны, сууаблыкъны, хар заман тазалыгъыд.
Анда ашхы джамагъат, кьууаныб, намаз этед,
Ислам динни джолунда кёб муратлагъа джетед.

Таза гюллери чагъыб, алайгъа адам барад,
Намаз этиб, ол джарыб, нюрленген сыфат алад,
Ийиледи башхала бла бир борчундан кьутулад,
Сууаблары кёбейиб, гюнахлары азаяд,

Таб сюелед АЛЛАХНЫ юю, Кяба таба айланыб,
Минарала кёкге джете, ай сурат бла байланыб.
Муслиманла кьыбылагъа буралла джюреклерин,
АЛЛАХХА баш урадыла, ийилтиб кёкюреклерин.





АЛЛАХХА ТОЛУ ЫШАН

Дуниягъа АЛЛАХ нюр беред,
Джерни юсюн джашнатад.
Кюмюш чыкъ бла насыб келед,
Рахат тангла атдырад.

Къууанчны къанатын керед,
Эм уллуд, берекетлид.
Къыйналмай хар неге джетед,
Джарыкъды, харакетлид.

Аны нюрю сеннге келир,
АЛЛАХХА толу ышан.
Тюз джолда таукел элтир,
Джол устанг болур Къуран.

Игиликни кёб этсенг,
Чомартлыкъ сенде болур.
Уллу АЛЛАХНЫ эсгерсенг,
Джашауунг нюрден толур.





Излемеген ол джарыкъны,
Тубандача абыныр.
Шайтан кючлеб аны санын,
Гюнах отда къабыныр.

Q





АЛЛАХ ГЮНАХЫН КЕЧЕД КЪУЛУНУ

Гюнахларынга кечмеклик тилесенг,
Джыламукъла агъызыб, мюкюл болсанг,
Айыблы, терс ишинге эсинги бёлсенг,
Аны къайтармай игиликден толсанг,

Сен дининги, атмайын, керти тутсанг,
Уллу АЛЛАХДАН игиликле тилеб,
Нюрлю джудузну кенгнге джарытсанг,
Санларыңгы тыймай, тюзюне илеб,

АЛЛАХХА баш уруб, бек джалынсанг,
Игиликни гюлю бетингде орналыб,
Джалбарыб, бел бюгюб, тобукълансанг,
Унутмай Патчахха къайтсанг къадалыб,

Сен сабырлыкъны джюрекге салыб,
Шербет кёзлеуча игиликле этсенг,
Джангур тамчыча кетмей терк саркъыб,
Бел къатдырыб, тюз джолну кетсенг,





Топуракъдан къураб, АЛЛАХ, джан салыб,
Джер юсюне ийгенд адам улуну.
Бу дуняда аны тилегин алыб,
Этген гюнахларын кечед къулуну.





ПАЛАХДАН, АЗАБДАН САКЪЛАР

Бир АЛЛАХНЫ Раббий этгенлеге,
Ол иннетден таймай ёлгенлеге,
Къыямат Кюнде болмаз бир къоркьюу,
Алагъа келмез сокъуранныкъ къайгъы.

Адам этген ишини дараджасын
Кёрюр джашауда, джыйгъан хазнасын.
Сайлагъан джолу сыртындан басыб,
Къыйынындан табарыкъды насыб.

Ийнанмагъаннга кёб палах джетер,
Аны хар затын кёмюр кюл этер.
Ол Аллахны буйругъу бла болур,
Ассылыкъ этген азабдан толур.

Эртделеде элле болгъанла тюр,
Къуругъанла шахарла, джерге кёмюлюб.
Тариххе къараб, биз тюшюнейик,
Эс джыйыб, тюзлюкде кёрюнейик.





АЛЛАХДАН башха бир зат болушмаз,
Къутхаргъан джолда бизге джолукъмаз.
Къуранда айтылгъанча джашайыкъ,
АЛЛАХХА къайтыб, Анга баш урайыкъ.

Аллах гюнахларыбызны кечер,
Тюзююн адамны сууаблы этер.
Шайтандан, джинден бизни къоруулар,
Хар палахдан, азабдан сакълар.

Q





ДЖАНДЕТ

Бир АЛЛАХХА баш ургъан,
Тынчлыкъ табад санына.
Мухамматха ийнаннган,
Сууаб алад джанына.

Аллай къулну юсюнде
Гюнахлары аз болур,
Уллу Къыямат Кюнде
Этген мураты толур.

Териси, эти къатмаз,
Азабны кючю джетмез.
Ишин солундан алмаз,
От ауузуна тюшмез.

Нюр джаныб бютеу саны,
Кирир насыб эшикге.
Аны къууанчлы джаны,
Тюшер таза джандетге.





Анда, сейирлик джерде,
Толу зауукъда джашар.
Насыблы, мийик тёрде,
Дамлы ашарыкъ ашар.

Салкъынлада айланыб,
Бал къобанладан ичер.
Ашхылыкъ бла байланыб,
Сют ёзенлеге тюшер.

Этер татлы ушагъын,
Сейир джарыкъдан толуб.
Эркин джая къучагъын,
Терек тюбюнде солуб.

Хар заманда нюрлениб,
Ол муратына джетер.
Мамырлыкъгъа бёлениб,
Къууанч тёрюне ётер.





Джандет ачыкъ иманлыгъа,
Анда джокъду бир къаугъа.
Ол ёмюр джашау анга,
Болады насыб саугъа.





СЕННГЕ ДЖЕТГЕННИ ЭТ

Адеб-намысны сакълаб тамалын,
Сен аман затладан тый кесинги.
Таб ашхылыкъны кючлю амалын,
Магъанасызгъа йиме эсинги.

Тюзлюкню сакъла, кетме АЛЛАХДАН,
Аманатны сен бер иесине.
Керти бол, сакълан палахдан,
Сезим къанатынгы кер Раббийге.

Артыкъ сёзню сен айтмай тынгылаб,
Динни джорукъларын тутуб джаша.
АЛЛАХНЫ кючлюлюгюн ангылаб,
Иманлы болуб, халал аш аша.

Билмегенинги билгенлеге сор,
Терс сёлешиб, джунчутма адамны.
Тюз билим берген Къураннга бол къор,
Сен унутма Патчахын адамны.





ДЖАХАНИМ ДЖУТАРЫКЪДЫ

АЛЛАХХА баш урмагъанны, кьоймайын джангыз
бирин,

Джаханим от джутарыкъды, ичерикди ол ирин.
Ары баргъан кюерикди, тутуб рысхы къадарын,
Джанын джарты иерикди, табмай ёлюр мадарын.

От кирликди санына, мыйысы кьайнаб тарала,
Ачы тукъум джанарыкъла бир кьызара, кьарала.
Джаякъ эти эририкди, кьуюллукуъду суу болуб,
Бишген бурну созуллукуъду, от таракъладан толуб.

Кыстыланган эринлеге, шынкъарт джетер шуулдай,
Толкъунлары кёрюнюрле, таууш этиб дынгырдай.
Гюнах этген кьоллары, гюрюлдерле, чыкьырдай,
Буту, аягъы бек кьайнар, тохтамайын чырылдай.

Джиликлери джабышырла, азаб кьаты кьысханлай,
От кьуюлур джюрегине, таууш этиб, табанлай.
Боркъулдарла, кьайнарла кьан тамырлары, джылай,
Джерде этген терслиги ючюн, азабланыр ол алай.





Тохтамайын кёзлеринден, къайнаб, джыламукъ агъар,
Эти, териси, джауу, шынкъарт отда джанар,
Аны ачы азабын гюнахлы бойнуна тагъар,
Джаханимни теренинде от кюзгюлеге къарар.

Къыйынлыкъны хазнасын, къарылыб, тунчугъа, джугар,
Къарнында, ашхынында ол отну ачыуун тутар.
Хауа джетмей джаханимни азаб кёгетин ашар,
Не ёлмей, не тирилмей, ол къыйынлыкъда джашар.





АЛЛАХ БИРДИ

Ийнанама, АЛЛАХ бирди,
Кючю кёбдю, Къудуретлид.
Ийнанама, АЛЛАХ бирди,
Ол Рахматлы, Рахимлид.

Ийнанама, АЛЛАХ бирди,
Туудурмагъанд, туумагъанд.
Ийнанама, АЛЛАХ бирди,
Анга тенг чырт болмагъанд.

Ийнанама, АЛЛАХ бирди,
Кёклени, джерни джаратхан.
Ийнанама, АЛЛАХ бирди,
Кюнню, Айны къаратхан.

Ийнанама, АЛЛАХ бирди,
Джан салыучу, ол Раббийд.
Ийнанама, АЛЛАХ бирди,
Хар джаннга джангыз бир Бийд.





КЁРГЮЗТЕЙИК ТИРИЛИК

АЛЛАХ бизге орун бергенд джер юсюнде,
Джашау керек табдыргъанды джер джюзюнде,
Билим алыб, тюз тутайыкъ динибизни,
Тазалайыкъ, тюзетейик тилибизни.

Сураланы джууукъ этиб кесибизге,
Аятларын биз тутайыкъ эсибизде.
Сууаблыкъ бла ариулайыкъ юсюбюзню.
Кюрешейик, бош йимейик кюнубюзню.

Керти джолну эшиклерин биз ачайыкъ,
Зулмулукъну тот бугъоуларын чачайыкъ.
Къучакъ керейик, этейик кёб игилик,
Сууаб джолда кёргюзтейик биз тирилик.





ИМАНЛЫ БОЛАЙЫКЪ

Къалырла АЛЛАХХА къошакъ къошханла
Сууабсыз, шапагъатсыз, юлюшсюз.
Намысларын, бетлерин атханла,
Азабдан толуб, боллукъла кюнсюз.

Уллу АЛЛАХ къарамаз алагъа,
Тюлдюле Анга берилгенледен.
Къошар джаханимге барлыкълагъа,
Этмез насыбдан керилгенледен.

Биз рысхыбыздан эм аламатын,
АЛЛАХНЫ джолунда джояйыкъ.
Кериб сыйлылыкъны акъ къанатын,
Игиликден, сууабдан толайыкъ.

Биз, алданыб, шайтан ашны джутуб,
АЛЛАХХА айтмайыкъ ётюрюк.
Терсеймейик, къыйсыкълыкъны тутуб,
Болсун бизни джолубуз тюзлюк.





Бурулушлукъдан тыйылайыкъ кенгде,
Бир АЛЛАХХА тюзюуюн чакъырыб.
Ашхылыкъгъа бурулайыкъ джерде,
Сууаб джолда барайыкъ, джарыб.

Агъарлыкъдыла, Келлик Кюн бетле,
Сууаб ишлери аланы кёрюнюб.
Бирледе къараллыкъдыла бетле,
Этген гюнахлары базманда дженгиб.

Къаралгъанла, бютеу имансызла
Тюшерикдиле ачы азабха.
Бетлери сый бла агъаргъанла
Бёленникдиле джарыкъ рахматха.





ИЗЛЕГЕНИНИ КЪУЛУДУ

Дуня зауукъгъа толу берилген
Учад къара булутланы ичинде.
Аны кемсиз этиб, суйюб керилген
Гюнахладан толад джерни юсюнде.

Эсин ташлаб, суймеклик бла баргъан,
Терседи, кетед аны джылыуу.
Дуня кюн бла мардасыз къатланган,
Джангылады, шайтан джолдад турууу.

Излегенин табханына къууаныб,
Джюзеди алдауукъну тузагъында.
Харамлыкъдан Ибилис бла джубаныб,
Барады аманлыкъны хазнасында.

Ол адам джалгъанды, ётюрюк къаяд,
Бир зат ючюн намысын атыб кетед.
Аны аягъы гюнахлыкъ бла таяд,
Кеси азаб кючню тёрюне джетед.





Излемине берилиб, чабыб баргъан
Джангылады, алдатад зауукълукъгъа.
Къанын-джанын алдауукъгъа салгъан
Сатылады кёзююлю дуня хакъгъа.

Терсейиуге талпыб, баш ургъан бир затха
Къураучугъа къошакъ къошад дуняда.
Кеклени, джерни Бийи АЛЛАХХА
Баш урмагъан джашайд шайтан уяда.





РАЗЫМА АЛЛАХХА

АЛЛАХ бирд ёмюрлеге,
Патчахлыгы келгенди.
Джерни юсюне, чууакъ кёкге,
Сейир сыфат бергенди.

Къураб джарыкъ дуняны,
Эм мийикде турады.
Джерде джашау уяны
Чархын сейир бурады.

Джаратханд тауну, тюзню,
Бизге ашхы болурча.
Джасайды джазны, кюзню,
Биз зауукъда солурча.

Адамны джетишдириб,
Ол кеси джаратханды.
Ангы, акъыл, кёзле бериб,
Дунягъа къаратханды.





Баш урууда АЛЛАХХА
Кёб ашхы зат кёреме.
Дунияда Бир Патчахха,
Уллу махтау береме.





БЕРЕДИ ОНГЛА

Шайтан хорламаз АЛЛАХХА ийнаннганны,
Харам хакъгъа джетдирмей тут къолланы.
Халы джарыр тирилиуде къыйналгъанны,
Таукел баргъанны сууаб джолланы.

АЛЛАХ къулуна насыб береди толу.
Аны джюрегингден айырмай сакъла.
Иман, саулукъ-муслиманчылыкъны джолу,
Харакетинг болур, Ислам динни джакъла.

АЛЛАХ тюрлендиреди, иги этеди халны,
Атдырады насыблы, джарыкъ тангла.
Баш ур АЛЛАХХА аудурады джылланы,
Береди дуняда, ахыратда онгла.





ИЕСИ САКЪЛАРЫКЪДЫ

Иеменнге Абраха патчах болуб салыннганды,
АЛЛАХНЫ юйюн джокъ этерме, кьурутурма деб
алыннганды.

Сууаблыкъны эшиклери бири кьалмай джабылсын!
Оноуума кьаршчыла бары кьырылыб атылсын!

Тохтамайын ичи буруб, джан-джанын ашагъанды,
Кьутургъан джаныуарча, кьан ичиб джашагъанды.
Залимме деб, ёхтемленгенд, кёлюне алай келгенди,
Ханны акылы, сагъышы джер юсюне бёлюннгенди.

Сауутлу аскерчиле таугъа, тюзге джайылгъанла,
Учунуб, джалкьаларын артларына кьайыргъанла.
Узакъ джолгъа тебрегенле, санлары ойнагъанды,
Дюнгордегенд джюреклери, кьанлары кьайнагъанды.

Кьумлу тюзлени джырыб, Меккагъа атланнганла,
Пилли сауутлу аскерле, кьыппача кьатланнганла
Абраха ёшюн тургъузуб, шахаргъа джолукьгъанды,
Ассы аскерчилерин кьум тюзде солутханды.





Шахар тамада келсин деб, келечисин ийгенди,
Бети-кьуту да кетиб, шайтан тонун кийгенди.
Къураиш джамагъатдан Абдул-Муталиб баргъанды,
Ол, башын ёрге тутуб, аны аллына тургъанды.

Тюз иннетин билмейин, Абраха анга тюбегенди,
Уллу тауча, ол ётгюрге, кюлмейин, сейирсиннгенди.
Айтханд, къараб тылмачына, сор бу нени сюеди,
Мени аллымда къашын, башын, къоркъмайын,
нек тюеди?

Тылмач анга соргъанында, ол терк джууаб бергенди,
Тюелерин аскерчиле сюргенлерин кёргенди.
Ётгюр къанын къайната, къайтарсынла, деб айтханды,
Учундуруб, билеклерин ол хауада ойнатханды.

Ол заманда Абраха, тыпырдаб, къычыргъанды,
Къургъакъсыгъан эринлерин, ачыуланыб, къысханды.
Ийнаннганны Белгисин мен тюбю бла чачарыкъма,
Миллетине, кесине да азабла ачарыкъма.





Кёзю чыгъаргъа джетиб, билмеймид деб,
кычыргъанды,
Башы, аягъы кьалтырай, ол аны марагъанды.
Абдул-Муталиб айтханды, меники тюелелле,
Экиджюзю да алайда, таулача, сюелелле.

Сыйлы Кябаны иеси барды, аны сакъларыкъды,
Кёрюб, эшитиб турад, кьаласын джакъларыкъды.
Абраха, бетин кьаралтыб, Кяба таба бургъанды,
Менден сакълаяллыкъмыд, деб кёкюрегин ургъанды.

Къалай суйсенг алай эт деб тюеге ол миннгенди,
Къайгъы этиб шахарына, бек ашыгъыш киргенди.
Адамланы терк джыйыб, толу хапар айтханды,
Таулагъа элтиб аланы, ол Кябагъа къайтханды.

Тилек тилеб Бир АЛЛАХДАН, ызларындан кетгенди,
Узакъ таулу кьоюнлада джамагъатын джетгенди.
Ол заманда Абраха пилли аскерин тизгенди,
Кяба меникиди деб, харам терин сюртгенди.





Пиллени сюргенликге, тебмегенди бири да,
Толмагъанды Абраханы мураты, кир иннети да.
Сейир зат бла чырмалыб, пилле бары джатханла,
Туралмайын бурулуб, къум тюзде аунагъанла.

Къайдан эсе да чыгъыб, къанатлыла учханла,
Хар бирини болгъанд ташы, чууакъ кёкню джабханла.
Ол ташланы ала атыб джау аскерни ургъанла,
Бирин къоймай душманланы, кёмюр кюлге бургъанла.

Менме деген Абраха, санын кючден кёлтюргенди,
Кёкню, джерни бирден джабхан, уллу кючге тюбегенди.
Зорлукъ излеб, ийнаннанны Белгисине келгенди,
Эти, саны айырылыб, кеси ауруб ёлгенди.





ДУНИЯЛАНЫ БИЙИДИ

Бир АЛЛАХДЫ сени, мени,
Хар нени да джаратхан.
Чууакъ кёкден сейир джерге,
Джулдузланы кьаратхан.

Ол чомартды, кьайгырыучу,
Хатерлиди, бек Халалд.
Гюнахладан кьутхарыучу,
Дуниялагъа ол тамалд.

Туудурмагъанд, туумагъанд,
Бир АЛЛАХУ ТАГЪАЛАМ.
Олду адамны джаратхан,
Джарытхан саулай алам.

Къураучуд, Джаратыучуд,
Джан салыучу Раббийди.
Кёрюннген, кёрюнмеген,
Дунияланы Бийиди.





ДЖАНДЕТДЕ ЗАУУКЪЛАНЫРСА

АЛЛАХДАН кьоркьгъаннъа игилик келир,
Джандет эшиклерин кенгнгине керир.
Ол адам АЛЛАХХА джууукъда болур,
Аны рахматындан, кючюнден толур.

АЛЛАХ сени сыйлы этиб джаратханд,
Джерни юсюне сынаргъа салгъанд.
Игиликле этсенг, табарса сууаб,
Келлик Кюн АЛЛАХХА берликсе джууаб.

Киши рысхы джыймасанг, кьол узатыб,
Терсликни джаймасанг, буйрукъну сатыб.
Джюрегингден ашхылыкъны кьурутуб,
Сени АЛЛАХ джаратханын унутуб.

Ёсерсе, гюнахсыз сакълансанг кесинг,
АЛЛАХХА кетиб алданмазлыкъ эсинг.
Дин макъам бла джюрекни джырлатсанг,
Тюзлюкню джулдузун джандырыб турсанг.





Раббийни дининден керти билим ал,
Сууаб базманынга уллу хазна сал.
Билим баш урууну дараджасын беред,
Эслиликни къанатын мийикге керед.

Сен иги халинг бла АЛЛАХДАН къоркъсанг,
Адамлагъа керти, тюз, ачыкъ болсанг,
Хорланмазса, тириликсе джангыдан,
Сакъланырса, кюч алырса АЛЛАХДАН.

Тынчлыкъда Раббийни эсингде тутсанг,
Ол сени джокълар, къыйынлыкъда турсанг.
Сеннге шайтан, джин, аманлыкъ этмез,
АЛЛАХ болушса, берекетинг кетмез.

Акъылынг джарыр, джюрегинг тюз урур,
Таукеллигинг кючюн бегитир, бурур.
Раббийни унутма, ол сени сакълар,
Аны сейир кючю къуру да джакълар.





Къошакъ этмегенлей, эсингде тутсанг,
АЛЛАХХА баш уруб, сый бериб турсанг.
Кёклени эм джерни тенглиги болгъан
Джандетге элтир, ашхылыкъдан толгъан.





ЁКСЮЗНЮ ХАКЪЫ

Ёксюзню хакъын ашагъан зулмулукъда,
Сарнарыкъды, къарнын отдан толтурлукъду.
Гюнахлы джашагъан къаралгъан булутда,
Джалынлаб джаннган отда олтурлукъду.

Ёксюзню мюлкюне керекди тиймезге,
Аманатны толу къайтарлыкъ кюч барды.
Аманлыкъ ишлени кюрешсенг этмезге,
Джюрегинг имандан тамызыкъ алгъанды.

АЛЛАХ саугъалайды Анга ийнаннганны,
Къошуб, аны юлюшюн кёб этеди.
Керти джолда элтеди тюзлюк тутханны,
Акъылманны кючю неге да джетеди.





ИГИЛИК КЪАТЛАУ

Иги этсенг, сууаблыкь аласа,
Джарсыларынг кетиб, нюр джанаса.
Сен шериятны джоругъун сакълайса,
Факъырны, ёксюзню, сакъатны джакълайса.

Ийнаныу джюрекни игилигиди,
Тилинги, сёзюнгю кирсизлигиди,
АЛЛАХХА баш уруб, атларын айтыуду,
Ислам динни джоругъуна къайтыуду.

Хар заманда бошалмазлыкь къарыуду,
Халал аш ашаб, тюзюне барыуду.
Харамдан, терсден кенгде къалыуду,
Огъур ишле этиб, сууаб алыуду.

Аны тилеги АЛЛАХХА джетеди,
Кёб гюнахлары юсюнден кетеди.
Ол ашхылыкь, игилик да этеди,
Адамланы тюзлюкге юретеди.





ТЮРЛЕНМЕЙДИ

АЛЛАХ бирча турады, тюрленмейди,
Ёмюрлени бурады, джылла салыб.
Уллугъа бир зат да джукъ эталмайды,
Ол джашатад, бийликни тёрюн алыб.

Сыфаты бизге ачыкъ кёрюнмейди,
Алай а, билед адамны джарсыларын.
Ол турады, ёмюрледе тюрленмейди,
Кёреди, джокъларыкъды онгсузларын.

Аны сёзю бизге джетгенд, тюрленмейин,
Китаблада тили бла файгъамбарны.
Сууаблыгъа джол береди, терсейтмейин,
Турады джюрегинде ийнаннганны.

Тюз джашаугъа бурады, джунчутмайын,
Кертиликни базманына насыб сала.
Ийилгенле джерге унутулмайын,
Таурат, Забур, Иңджиль, Къуран китабла.





Къымылдагъанны къалмайды эшитмейин,
Ол болса да, Кеси бек мийикде.
Джукъ этилмейд Анга ачыкъ кёрюнмейин,
Кёкледе, джерде сау дунияны юсюнде.

Сау аламда кёреди, къыйналмайын,
Гитчени да, уллуну да, хар джанны.
Кече-кюн да турады арымайын,
Джер юсюне беред насыб хазнаны.





ДИННИ ТАТЛЫЛЫГЫ

Ислам динди адамны къуандыргъан,
Балдан татлы болуб, аны алландыргъан,
Ийнаннганны джанын нюр бла джасагъан,
Сезиминде, акъылында джашагъан.

Суусабынгы къандырады, ийнакълай,
Учунмакълыкъ беред нюрю, къуачакълай.
Ашхы умутну уяндырады, джырлай,
Кюн таякълары тиелле, джылтырай.

Ол дарман-дарыды, санны багъыучуд,
Джюреклени теренинде чагъыучуд.
Булбулу джырлайд, джююулдей сёздеде,
Джилтинлери кёрюнелле кёздеде.

Сюймеклиги кертилигид, тюзлюгюд,
Бир АЛЛАХХА бойсундуруучу нюрюд.
Джер юсюнде ашхылыкъ бла бурудуб,
Турады ол, кёкдең джерге къурудуб.





Ол кѳууанчд, игиликди уллу саугѳад,
Адамлагѳа билим берген тамашад.
Джукѳланмазлыкѳ джулдузу джарыкѳ джанад,
Соруллыкѳ Кюн кѳутхарлыкѳ гюлю чагѳад.

Тюзлюк тутхан сууаблы джолда барыр,
Динни огѳурлу джылыуунда джарыр.
Джюреги, эси бла АЛЛАХХА баш урур,
Сюймеклигин Анга бютеулей бурур.





БЕРИЛЛИКДИ ДЖУУАБ

Келлик Кюн айтырыкъды адам улу,
Джашауун нелляй халда ашыргъанын.
Чертерикди кимни болгъанын къулу,
Тыйгъыч салыннгандан къалай тыйылгъанын.

Ол билимин не джолда джюрютгенини,
Билдирир халын, джашауун булгъай.
Джерде къаллай иш бла кюрешгенини,
Тамалын бек ачар, деялмай огъай.

Ол, табыб, кёргюзтюр бютеу рысхысын,
Къайдан алгъанын, кертисин айтыр.
Не затны джыйгъанын, сууаб хазнасын
Тизер, хар ишини ызына къайтыр.

Айтыр тёнгегин къалай тутханын,
Хапарлар неге хайырландыргъанын.
Толу айгъакълар, не джолну баргъанын,
Къалай джюрютгенин нафсынын, санларын.





ДЖАНГЫ ЗАТ ТЮРЛЕНИУДЮ

Ислам дин толуд гюлден, насыбдан,
Сууаблыд аны сейир джырлары.
Төрю, этеги гюнахдан сакълайд,
Джанны джарытад, джокъду бузлары.

Тюрлениулени унамайд Къуран,
Шериятда джангы зат орун алса.
Терсди, басарыкъды къара тубан,
Динде болмагъан, анга кириб къалса.

Ол оюм хадисде да айтылад,
Къуралышдырылгъан тюртюлед узакъгъа.
Эсгертилинед, анга къайтылад,
Алай этген тюшед гюнах тузакъгъа.

Билдириу зынгырдайд, этед таууш,
Ангыламакълыкъны джаяд джерге.
Чокъуракъ тегеди анда аууш,
Айтады, билдиреди джюрек төрге.





Диннге джангы кирген зат-тюрлениуд,
Ачы сууукъду, кюлдю, къарад.
Ол джангылыуд, уллу гюнах этиуд,
Тюрлениу излеген терсине барад.





ДУНИЯ БИЙГЕ БОЙСУНАЙЫКЪ

Иманлылалла тобагъа къайтыучула,
Уллу АЛЛАХНЫ, суйюб, махтаучула.
Акъылманнга тюз къуллукъ этиучюле,
Игиликни урлугъун себиучюле,

Ийнанганла, ораза тутуучула,
Таза джюрекден намаз къылыучула.
Джашауда аманлыкъны тыйыучула,
Ислам динни джолун барыучула.

Сейир джаратылгъан кёкледегиле,
АЛЛАХНЫКЪЫЛАДЫЛА джердегиле.
Тирилтед, ёлтюред, хар не къолундад,
Насыбланган адам аны джолундад.

АЛЛАХХА баш ургъаннга джокъду къоркъуу,
Боллукъду аллайгъа къууанчдан толуу.
Айтханындан бир да къайтмайды Раббий,
Саугъалайды хар къулун дуния Бий.





Ол берген азабны бир кюч кьоратмаз,
Ким бирлешсе да, бир джукъ эталмаз.
Къууанч бла саугъалаб, берсе тириликни,
Бир зат тыялмаз келген игиликни.





АЧЫУЛАНМА

Ачыуландыргъан затладан кери бол,
Сабырлыкъда сакълан къара булутдан.
Хайыр берлик ашхы кючден чомарт тол,
Айырылмай джаша сен тюз умутдан.

Ачыуну къозгъагъан ишид шайтанны,
Ол адамланы гюнах джолгъа элтед.
Кече, кюн тохтаусуз джаяд аманны,
Алагъа хатаны, гюнахны джюклетед.

Сени къанынгы бурса ачыу къызыу,
Айлан гюллеге, барма аны джолун.
АЛЛАХ тыйгъанны этме, табмазса джылыу,
Къыяматда тутарса азабны къолун.

Биреуню кечген, ачыуну кѣлтюрюб,
Ол тѣзюмлюд, нюр джарыкыгъа да ушайд.
Ибилисни кир муратларын ѣлтюрюб,
Тѣзед, аны сууаб булбулу джырлайд.





БЁГЕКЛИКНИ ЮСДЕН КЪУРУТАЙЫКЪ

АЛЛАХ кёклени бир-бири юсюнде,
Арымай, тиреуюз кёлтюреди.
Болджалгъа дери Кюн бла Айны кёкде
Тыйыншлысыча таб джюрютеди.

Джерни къураб, анда салгъанд тауланы,
Ол ёзен сууланы бардырады.
Зауукълу джашатыргъа адамланы,
Терекледен кёгетле ашатады.

Тюзледе чайкъалгъан будай сабанла,
Гургумла, такъюзюк да чагъалла.
Джашнагъан таурухлу джюзюм бачхала,
Бары бир суу бла сугъарылалла.

Кёб зат этилгенд мамырлы дуняда,
Кюндюз, кече бла ауушунады.
Сагъышланганнга, эс ийгеннге анда,
Къутхарыллыкъ магъана табылады.





Ислам динни тюздю, джарыкъды джолу,
АЛЛАХ кёрючюдю, билиучюдю.
Андан кечим тилейик джюрек толу,
Ол кючлюд, кечмеклик бериучюдю.

Ийген игилигини джерни юсюне,
Санаб санауна джеталмазбыз.
Бизге борч салганд, джашаргъа тюзюне,
Аманлыкъ этиб къутулалмазбыз.

Хазнасын иелеб, джырабыз сууну,
Тенгизни бизге бойсундургъанды.
Юсден кьурутайыкъ бёгеклик ууну,
АЛЛАХ кючлюд, бизни джаратханды.





СУУАБЛЫКЪНЫ ДЖОЛУ

АЛЛАХ буюргъанча, биз тюз джашайыкъ,
Таукел атлайыкъ, алгъа тюз джолда.
Къыйынлыкъдан, палахдан сакъланайыкъ,
Сыйсыз болмайын, джомакълы джуртда.

Терсни, тюзню билейик, айырайыкъ,
Сюйюб къарайыкъ джайгъы эртденнге.
Гюнахлы ишге къаршчы барайыкъ,
АЛЛАХХА бойсун, нюр келир сеннге.

Баш урмайыкъ АЛЛАХДАН башха затха,
Сууаблыкъны нюр джолун къурутуб.
Мйнейик иман деген дюдюр атха,
Гюнахлыкъны, сатлыкъны унутуб.

Динибизге, тилибизге бек болуб,
Джашау джолда сууаблыкъ табайыкъ.
АЛЛАХДАН келгең джарыкъ нюрден толуб,
Тюзлюкню тутуб алгъа барайыкъ.





Унутмайыкъ, АЛЛАХ беред ашхылыкъ,
Къуран алыб, сура окъуб кюрешейик.
Къурумасын юсюбюзден мамырлыкъ,
Сууаб джолда къууанч бла тубешейик.

Соруу сорулдукъ Къыямат Кюн, джунчумай,
Джууаб берирча харакетден толайыкъ.
Термилмейин, отда кюймей, къыйналмай,
Айтыр сёзюбюзню эсге алайыкъ.





КЕСИНЕ ЭТЕД АМАНЛЫКЪ

Адам гюнах этсе, терсден джубанад,
Джюрегин къап-къара кир этиб тебрейд
Къалгъан аман иши, тютюнлеб, джанад,
Аны юсюн бютеулей къара кюч кючлейд.

Аман бла айтдырад дунягъа атын,
Игиликни насыб отун джукълатад.
Тюрлендириб ол тюрсюнюн, сыфатын,
Къуру аманлыкъла этерге тартад.

Башхагъа, зарланыб, хыянат этген,
Биринчи кесине этеди аманлыкъ,
Огъурсузлукъгъа, къутсузгъа джетген
Кёрлюкдю кемсиз, ачы къыйынлыкъ.

Уллу АЛЛАХ сен тюзет, сакъла азабдан,
Джаныбызны къууандыр, сууаб кюч алдыр,
Эки дуняда да, кери эт палахдан,
Сен суйгенле бла ашхылыкъда къалдыр.





ДЖУМУШАКЪЛЫКЪ

Джумушакълыкъны игиди макъамы,
Сыфатында сейир гюлле чагъалла,
Джюрек къанны джылытады саркъгъаны,
Джилтинлери сууаблыкъ бла багъалла.

Кёлтюреди адамны дараджасын,
Нюрлендириб гюнах затдан тыяды.
Ашхылыкъдан джюклейд аны аркъасын,
Тегерекге дамлы джылыу джаяды.

Ол джашнайды насыб тауну тѣппесинде,
Кюн джылыугъа къанатларын кереди.
Чагъад, ёсед джюреклени тѣрюнде,
Дамлылыкъны нюр сезимин береди.

Джумушакълыкъ байлам тутхан затларын,
Ариу этиб, джашнатады, джасайды.
Бир-бирледе джашырыб арыгъанын,
Ариу гюлча, ышарыб, шош къарайды.





АЛЛАХХА КЪАЙТАЙЫКЪ

АЛЛАХХА къуллукъ этген,
Уллу насыбха джетер.
Къураннга эсин ийген
Сууаблыкъ хазна этер.

Ол, тобагъа къайытыб,
Керти, тюз джолну барыр.
АЛЛАХХА махтау айтыб,
Къууаныр, нюрден джарыр.

Ата-ананы джылатмаз,
Рахат төрде олтурур.
Джюрекдени таралтмаз,
Бала борчун толтурур.

АЛЛАХХА ассы баргъан,
Гюнах джолда абыныр.
Ангын терсине бургъан
Ол шайтаннга табыныр.





Аллай инсан ач отха
Ёмюрлеге атылыр.
АЛЛАХСЫЗ къартха, джашха
От къыйынлыкъ къатылыр.

Джюрек тёрден таралыб,
Биз тобагъа къайтайыкъ.
Бир АЛЛАХХА къадалыб,
Кёб махтаула айтайыкъ.





ДЖЮРЕКЛЕНИ ДЖАРЫТХАНД

Мухаммад (а.с.)дамлы адам болгъанды,
Кёрюнгенди аны ариу халиси.
Джумушакълыкъдан нюрден толгъанды,
Хурметлик бла байланыб ашхы эси.

Ол сабийлени бютюн бек суйгенди,
Къойнунда олтургъандыла ала.
Ийнакълагъанды, ала бла кюлгенди,
Болгъанды джазыкъсынмакълыкъ къала.

Къарыусузлагъа ариу айтханды,
Джюрегини төрюнден къайгырыб.
Сакъатлагъа да ол болушханды,
Джарлылагъа бергенд юлюш, айырыб.

Ёксюзлени башларын сылагъанды,
Ашларын, сууларын чомарт бериб.
Баргъан джерине джорукъ салгъанды,
Ислам динни кючюн джайгъанды, кериб.





ТЁЗЮМ НЮРДЮ

Тёзюм нюрдю джюрекни джарытхан,
Аны гюллерин ариу чакъдыргъан,
Тазады, ашхылыкъгъа къаратхан,
Билсек, уллу къудурет табдыргъан.

Адамны тюзюне бурады, тартад,
Уруш этиб, дженгилликден сакълайд.
Чокъуракъ сууча, хар саннга джарайд,
Дарман болуб, инсанны джакълайд.

Тёзюмю болгъан мийикде джюзед,
Басымлылыкъны табыб хазнасын.
Имансызлыкъны сынджырын юзед,
Сезим къонгурауу салат багъасын.

Тёзюм ол кючдю, АЛЛАХДАН келед,
Кёблени джолларын джарытад.
Джюреклеге мамырлыкъ беред,
Ашхылыкъда тюзюне джашатад.





Иманы, тѣзюмлюлюгю болгъан,
Уллу АЛЛАХДАН кѣб саугъа алыр.
Акъылдан, сабырлылыкъдан толгъан,
Сууаб джолда джарыгъанлай барыр.





УЛЛУ МАХТАУ БЕРЕМЕ

Бир АЛЛАХ танг джарытады,
Булбулланы уятады,
Уллу махтау береме.

Эртденнге кьууандырады,
Сейир джырла джырлатады,
Уллу махтау береме.

Кюнню кёзюн кьаратады,
Табигъатха джан салады,
Уллу махтау береме.

Тау кьушланы учурады,
Кёкге мийик чыгъарады,
Уллу махтау береме.

Джугьутурну чабдырады,
Кюмюш тамчы акъдырады,
Уллу махтау береме.





Буу баланы айнытады,
Ёзенледе ойнатады,
Уллу махтау береме.

Дамлы джангур джаудурады,
Иги битим алдырады,
Уллу махтау береме.

Сау дуниягъа нюр себеди,
Ашхылыкъны ёсдюреди,
Уллу махтау береме.





АЛЛАХ КЁРГЮЗГЕНЧА БАРАЙЫКЪ

Ийнаналла муслиманла
АЛЛАХНЫ бирлигине.
Ийнанадыла ала
Кёкде мёлеклерине.

Китабларына, джандетге,
Эм уллу хурметине.
Азаб берген джаханимге,
Келген келечилерине.

Ахыр Кюннге, Тирилиуге,
Эс бёлелле джарыкъ тангнга.
Тюзлюк тутхан Хукму Кюннге,
Бютеу АЛЛАХ буюргъаннга.

Къутуллукъдула тынч ала
Къыйынлыкъладан бирге.
Кери болурла, нюр джана,
Къуюллукъладан кирге.





Эшитмез, билмез ёмюрде
Ийнанмагъан чырт аны.
Турмаз динде тюзюне,
Терсейгенд эси, саны.

Эсинде аманлыкъ ойнайд,
Къаугъад аны сагъышы.
Зарлыкъны отунда къайнайд,
Масхабсызд шайтанны ашы.

Ол къап-къара бузукъ джаяд,
Джерни юсюне учуруб.
Шайтан бла бирге таяд,
Сау дуниягъа къутуруб.

Къарангылыкъ басыб турад,
Ол къауумну джолларын.
Керилиб къыйынлыкъ урад,
Бууад харам къолларын.





Аланы аманлыкъларын,
АЛЛАХ берир башларына.
Джыйгъанларын, гюнахларын,
Къошдуруп ашларына.

Аллай къауум джаханими,
Къучагъында болурла.
Аны бек теренини,
Хазнасындан толурла.





СУУАБ ГЮЛЛЕРИ ЁСЮБ

Ислам динни сейир кёзлю гюллери,
Джукъланмазлыкъ джуддузу насыб беред,
Джырлы тили, таза кёзлеу сёзлери,
Батмай турлукъ нюр кюню джарыкъ тегед.

Джюрекни ачхан чокъуракъ шоркъасы,
Татлы ауазы ийнакълайды, джырлайд.
Къууанч берген толкъунланы аркъасы,
Чомарт кючу чакъдырад, ариу ойнайд.

Къутхарылыу баш урууду АЛЛАХХА,
Джюрек тёрде иман болуб, бек суююб.
Аламатды къанат керген насыбха,
Тюз сезимде сууаб гюллери ёсюб.





УЛЛУ ШИРК ЭТМЕ

Кёб тюрлю аман зат барды,
Адамны тюз джолдан тайдыргъан.
Аманны джюреги къарады, тарды,
Сыйны, намысны да атдыргъан.

Ол гюнах этдирге умут этеди,
Харам ишни арагъа салыб.
Аллай кюч имансызгъа джетеди,
Аны акъылын, эсин да алыб.

АЛЛАХДАН башхадан джукъ тилеме,
Бериучю бирди, ёмюрлегед.
Сен имансызны ашын излеме,
Аны бла барлыгъынг джаханимгед.

Ёлгенден сен болушлукъ табмазса,
Къатынгда болмагъандан джокъду мадар.
Аладан бир да джууаб алмазса,
Сыйсыз болуб кёрмезсе къадар.





АЛЛАХХА БАШ УР

Бизни дуня сейирликди, зауукъду,
Кёк джулдуздан, джер гюлден джасалгъанды.
Къуралгъанды, биз джашагъан таурухду,
Ариулукъну дамлы кючю джашнагъанды.

Адамланы АЛЛАХ джерге ийгенди,
Нюр тёгюлгенд, суймеклик да чакъгъанды.
Алтын кюнню нюр таягъы тийгенди,
Джауум джауб, булутдан суу акъгъанды.

Чучхурла да, саркъыб баргъан суула да,
Джерни тешиб, хапарлашыб, чыгъалла.
Отлайдыла гаммешле да, буула да,
Джугъутурла къаяда турушалла.

Тау булбулла татлы джырла джырлайла,
Къууанчлары мийикде кёрюнеди.
Учундургъан макъамлары джашайла,
Джюреклеге зауукълукъ бериледи.





Ол игини джерге АЛЛАХ ийгенди,
Сен Патчахха баш уругъа борчлуса.
Къудуретлини кючю сени сюеди,
АЛЛАХ берген харакетден толуса.

Бу дунияны къурагъанды, кючлюдю,
Джарлы, бай да джюрюрча этгенди.
Кёклени, джерни къурагъан Хакимди,
Сайлау бериб, адамны тирилтгенди.

Тюзюн, кертисин кёрсюн деб кёз бергенди,
Къулакъла да, эшитиб, алгъа барырча.
Кертиликни тюз джолун кёргюзгенди,
Джюрек сезиб, тюзюне атланырча.

Сынау джашау, къанат къагъыб, кетеди,
Ёлюр заман инсаннга къатыллыкъды.
Аны джерде ахыр кюню джетеди,
Сууаб, гюнах этгени саналлыкъды.





О, Адам! сен джер юсюнде джашайса,
Терсни, тюзню айыр, АЛЛАХ кёреди.
Ол табдыргъан азыкъланы ашайса,
Аны нюрю сеннге насыб береди.

Эшит сёзюн, Кьуранда кёрюнеди,
Магъанасы нюр кюч бла ачылыбды.
Суралагъа, аятлагъа бёлунеди,
Джан кьутхаргъан кьанатлы ашхылыкъды.

Терк баргъан джылларынгы бош ашырма,
Той, оюннга, рысхыгъа да алданма.
Шайтан, джин бла шох болуб, сен джырлама,
АЛЛАХ бла бол, Анга баш ур, тохтама!





УНУТМА АЛЛАХЫНГЫ

Бир джарыкъ нюр чачылыр,
Меджигитге джыйылганнга.
Джандет эшик ачылыр,
АЛЛАХХА сыйынганнга.

Къыркъ кюнню бирге къылган
Беш уахты намазын,
Эки бетли, не джалган
Билсин чыртда болмазын.

Намаз этсенг заманында,
Сен толурса насыбдан.
Сууаблыкъны тамалында
Къарарса джашауундан.

Билим алсанг сен джарыкъ,
Болурса тюз иннетли.
Тутуб сени сууаблыкъ,
Этер нюрлю, хурметли.





Табсанг да ауруу, джунчуу,
Къурутма намазынгы.
Шайтан, джинден чыгъар уу,
Унутма АЛЛАХЫНГЫ.





СЕНИ ШОХЛАРЫНГ

Сени шохларынг – АЛЛАХНЫ кьуллары,
Аманлыкьдан кеслерин тыйгъанла.
Сууаблыланы бютеулей саулары,
АЛЛАХНЫ джолунда баргъанла.

Сени блады, толу зекят бериучю,
Мукъмин, рукугъ этиучю джашауда.
Ашхылыкъ башхалагъа кёргюзюучю,
Бир-бирин кечген разылыкъ табыуда.

Сеннге нёгерле, гюнахдан тыйылгъанла,
Бузукъсузла, кертини сёлешгенле,
АЛЛАХНЫ сёзюне толу сыйыннганла,
Игиликлени джайыб кюрешгенле.





ДЖАШАМАЙДЫ ТУРСА ДА ДЖЫЛТЫРАБ

Баш уругъа тыйыншлы АЛЛАХДЫ къуру,
Къудуретлини аллында биз ийилеиик.
Бизге келед Аны джарыгъы, джылыуу,
Джюрегибиз нюрден толуб, суйюнейик.

Джумушакъ джылытады нюрю, кёрюую,
Джашауну чакъдырады. Ол керти сююд.
Бизге джууукъду, къууандырад эс бёлуюу,
Аны джолу джандетге элтирик гюлюд.

АЛЛАХХА бойсунайыкъ, масхабха кириб,
Кертини джайыкъ, ётюрюкню буууб.
Заман, кёлеккеча, терк кетгенин билиб,
Тюз оюм биз этейик тамаша туууб.

Къошакъ къошмай бир АЛЛАХХА баш ургъаннга,
Файгъамбарыбыз да шапагъатлыкъ этер.
Акылын, санын Бийге бойсундургъаннга,
Джомакълы Джандетни сейир тёрю джетер.





АЛЛАХНЫ суйген терен сезеди динни,
Джюреклени уятыб, игилик джаяд.
Джуддузлу кёкню, керед гюллю кюйюзню,
Аманлыкъгъа къаршчы тургъан мермер къаяд.

Кюч береди Ислам дин джарыкъ ёсюмге,
Аны булбулу джумушакъ джырын джырлайд.
Джюрегин бёлмеген дуня суйюмге,
Кеси джашамайды, турса да джылтыраб.





ГИТЧЕ ШИРК

АЛЛАХНЫ аты бла ант этсенг,
Берген сёзюнге керти бол.
Сен, ёсюб, мийикге джетсенг,
Адамлыкъдан, ашхылыкъдан тол.

Башха зат бла антынг ширк болад,
Ибилис къурайд чомарт болум.
Сууаблыкъ, сый да, кенгде къалад,
Узаялла насыб бла солум.

Гитче ширкди бетсиниб чыкыгъан,
Ол, боранлаб, джюрекге киред.
Анычад дууагъа ышанган,
Акылынг анга учуб кёчед.

Болад гитче ширк кёб затдан,
Ол барады терсине джертин.
Алдаб, бурудуб, чыгъад джолдан,
Шынкъартха элтед азаб джилтин.





АЛЛАХ аллайны кечмейди бютюн,
Аны джюрегин бууад ач тузакъ.
Эсин кюйдюред чыдамсыз тютюн,
От кыйынлыкъ тартады узакъ.





ИЙНАНЫРГЪА КЕРЕКДИ

Бек сыйларгъа керекди
Бир АЛЛАХНЫ мёлеклерин.
Билим алтын терекди,
Билдирген келечилерин.

Ийнанмай насыб джокъду,
Аны китабларына.
Кючюн сезерге боллукъду,
Эс ийиб къадарына.

Дунияда адам къоймай,
Кючлерикди ёлюм джетиб.
Хукму Кюнде иннет оймай,
Раббий сюер, сау этиб.

Хар неге кючю джетеди,
Дуния Бийни, АЛЛАХНЫ.
Халал рысхы береди,
Багъалатад ийнаннганны.





Ол гюнахларын кечеди,
Анга баш ургъанланы.
Бет джарыкълыла этеди,
Керти муслиманланы.





КЪУТХАРЛЫКЪ ХАРАКЕТ

Билиб, билмей этген гюнахларынг ючюн,
Кечмеклик тилесенг сыйлы Патчахдан,
Ачыкъ, джашыртын терс ишлеринг ючюн,
Тоба этиб, кечим излесенг АЛЛАХДАН.

Ачыкъны, джашырылгъанны Ол билед,
Кючлю, Къудуретли кечерге да болур.
Ол тѣзюмлю, тилеучю къулларын сюед,
Хатерли сеннге джазыкъсыныудан толур.

АЛЛАХ махтаулуд, мийикдед, уллуд,
Андан сора джокъду уллу кюч къудурет.
Джандетге элтген аны сууаблы джолуд,
Излейик, джыяйыкъ къутхарлыкъ харакет.





ИМАН ДЖЮРЕКГЕ СИНГСЕ

Къуралгъанча тенгиз тамчыдан,
Джыйылалла кючлеб гюнахла.
Къуюлгъанча джангур булутдан,
Барликдиле къулла джууабла.

Джашауда этилген хар атлам,
Тюшерикди сѣзсюз тергеуге.
Иннетле, умутла эм къарам
Барлыкъла саналыб эсебге.

Сууаблыкъ къатлагъан дуняда
Онгузну джакълагъан кюнюнде,
Рахатлы, мамырлы уяда
Сюйюнюр, нюр джана юсюнде.

Ол таза ашарыкъны ашар,
Чокъуракъ бал сууда багъылыб.
Таурухлу, нюр таякъча, джашар,
Джолуна гюл кийиз джайылыб.





Ислам дин чакъдырса джюрекни,
Къылларын минг макъам бла согъуб.
Сюйдюред бир-бирине миллетлени,
Ашхылыкъ, тюз иннет да толуб.

Дуниягъа, суйюнюб, ол къарар,
Кёз ачыб файгъамбар айтханнга.
Ёксюзге, онгсузгъа да джарар,
Къууаныб АЛЛАХХА къайтханнга.

Ибилис адамны кючлерге,
Кесине тартыргъа кюрешед.
Иман джюрекге бир сингсе,
Аны хорлайды, тентиретед.





КЪОРКЪАЙЫКЪ ДЖАКЪСЫЗЛЫКЪДАН

Бир АЛЛАХХА ийнанмагъанла
Дуняда табмазла бир сууаб.
Ассылыкъны тутуб балгъанла,
Мугурланыб, этерле джууаб.

АЛЛАХ азаб берир алагъа,
Къанларын толтурур амандан.
Тюзню элтир сууаб талагъа,
Айырыб гюнахлы джамандан.

Адам кёрюр келген ёлюмню,
Бирлеге джетер къыйынлыкъдан.
Тутхан тюзлюкню эм тёзюмню
Толлукъду джандет зауукълукъдан.

АЛЛАХ тутад кёкле бла джерни,
Къалгъан затха да кючю джетед.
Кече, кюн Бийид иеликни,
Отха атханын бедешлик этед.





Анга баш урайыкъ, тюзлюк тутуб,
Къорууланайыкъ ассылыкъдан.
Къоймайыкъ игиликни къурутуб,
Къоркъайыкъ бизле джакъсызлыкдан.





АШХЫ МУРАТ

Бирле дуня зауугъун излейле,
Аланы джюреклери аны тюзлейле.
Аллай терсине учады, таяды,
Джерни юсюне къучагъын джаяды.

Муратха, ишге багъа бериледи,
Анга кере сууаб ёлче кериледи.
Ол динни тутурукъларыны бириди,
Джюрекни, акъылны кенг билимиди.

Ашхы мурат нюрдю, джарыкъ гюлдю.
Ол керти затды, терс боллукъ тюлдю.
Аны дараджасы мийикди, кенгди,
Бизни тюзетген ышангылы тенгди.

Сен аккыллы болгъан бир затны этме,
Акъылынгы ташлаб, терс джолну кетме.
Ишекли болгъанынгы къолгъа алма,
Терсейиб, сууаблыкъдан къуру къалма.





Тюзлюк изле, умутунгу джукълатма,
Чомарт таукеллен, шайтаннга алдатма.
Керти, тюз затны джолунгдан къурутма,
Кёзбаугъа берилиб, кесинги унутма.





ТЮЗ БИЛИМ АЛ

Узакъ болса да, барыб билим ал,
Тёзюмлю бол, къурутма ышанчны.
Джюрегинги бютеу тюз джолгъа сал,
Сен сезерсе бек ашхы къууанчны.

Олду санланы учургъан балхам,
Эсинги, кесинги буруб онгнга.
Сенден да юлгю алырча адам,
АЛЛАХ бурур сени сууаб джолгъа.

Харамдан тыйыл, билиминг джетиб,
Сыйлы болурса толуб сууабдан.
Аманлыкъны къурут, джибин кесиб,
Огъурлукъну кюню тийиб башынгдан.

Тюз иннетинги кючу боркъулдай,
Сезиминг джайылыр джер юсюне.
Билимингде чокъуракъ шоркъулдай,
Сени тюз элтир, иймез чюйресине.





ОЛ БИЗНИ КЁРЕД

Тилек тилеб, АЛЛАХХА баш урсакъ,
Бел бюгюб, тобукъланыб турсакъ.
Эс ийиб, таукел кюрешсек,
Джууаблылыкъны терен сезсек.

Сезим бёлмей, махтаула берсек,
Ангыны тюзюне ишлетсек,
Рахат болур тюнюбюз, тюшюбюз,
Алгъа барыр тутхан ишибиз

Уллу АЛЛАХ аллайны сюед,
Излегеннге джарыкъ джол беред.
Биз аны кёрмейбиз, Ол бизни кёред,
Кече да, кюн да, неге да ёред.





СУУАБ ХАЗНА

Джюрегингде иман кючлю орналса,
Джукъланмай джаннган джилтинден толса.
Ашхы умутла сенинге кьонарла,
Сууаб базманынга юлюш кьошарла.

Кенг дунияны чомарт джарытсанг,
Шайтанны, джинни, буууб кьарылтсанг,
Иманынг бегиб, мийик ёрлесенг,
Чулгъаннган булутну чачыб тебресенг,

Кьолунгу узатсанг келген онгсузгъа,
Джолун тубан басхан кьарыусузгъа,
Аджашхан инсанны тюзюне бурсанг,
Бир джарлыгъа дагъан болуб турсанг,

Аллай адам барлыкды тюз джолда,
Аны насыбы чомарт кьолунда.
Ол АЛЛАХДАН уллу саугъа алып,
Сууаб базманына харакет салыр.





УЯЛЫУ

Уялгъан аманлыкъдан тыйылад,
Нюр ура джарыкъ кёзлеринден.
Ол динни джоругъуна сыйынад,
Джылыу тегюле сёзлеринден.

Уялчакълыкъ нюр кючдю, аламат
Тамашады, тазады чыкъдан.
Ол хаман игиликге чакъырад,
Тыяд адамны аманлыкъдан.

Уялчакълыкъ нюр туугъандан келед,
Джюрекде тау тегпеча, мийик.
Адамгъа джарыкъ сезимле беред,
Бегийд, джюрекни кылына тийиб.

Уллу АЛЛАХХА бек бойсунуудан
Уялчакълыкъ адамгъа сингед.
Тирилиуден, сейир учунуудан,
Анга уялыу насыб къанат беред.





Уялчакълыкъны тамыры намысд,
Тюз иннетлилик, ашхы адет.
Ишленмеклик, джарашыурукъ сабырд,
Бек кертилик, иман, берекет.





НАСЫБ БЛА ДЖЕТ

Ишинги огъур бла сен,
АЛЛАХ айтса деб, башла,
Иннетинги этиб тюз, кенг,
Тюзлюк джолунда джашна.

Ёксюзге иги болсанг,
Сууаблыкъ сениге джетер.
Азыгъынгдан ашатсанг,
Кёб гюнахларынг кетер.

Таурух тангында олтур,
Джер джюзюне сагъыш эт.
Сууаб хазнангы толтур,
Ахыр кюннге насыб бла джет.





КЪЫЯМАТ КЮН

Заман джетсе адамланы
АЛЛАХ барын ёлтюрюр.
Ол тирилтиб инсанланы,
Къыямат Кюн кёлтюрюр.

Чириб бошалгъан саннга,
Эт да, тери да къонар.
Джаны кириб инсаннга,
Къаны джюрюб, терк къобар.

Ол заманда мында этген,
Ишлерине эс бёлюр.
Букъу теңгли игилигин,
Аманлыгъын да кёрюр.

Тюзлюкню кюню келиб,
Ары джарлы, бай джетер.
АЛЛАХ тыйыншлысын бериб,
Хар къулуна сют этер.





Къарыусузгъа джакълыкъ болуб,
Залимге дерт къайтарыр.
Аны азабдан толтуруб,
Отда къанын къайнатыр.

Иманларын тутханлагъа,
АЛЛАХ сый, саугъа берир.
Керти джолда баргъанлагъа
Джандетни эшигин керир.





ТЮШЮНЕЙИК

Баш урабыз АЛЛАХХА,
Бойсунабыз Патчахха,
Деб, биреуле бир-бирде,
Элде, орамда, юйде,

Айталла, алдаб, хапар,
Тынгылайды эл, сахар.
Учад ётюрюк джели,
Болгъан кибики биз тели.

Кече, кюн да, гырылдаб,
Джашайла халкъны алдаб.
Аллай гюнахлы болад,
Шайтандан, джинден толад.

Керти ийнанган, бойсунган,
Бир АЛЛАХХА баш ургъан,
Къутхарыр ючюн джанын,
Шагъатсыз бюгер санын.





Къоймай этер намазын,
Узакъ иимей заманын.
АЛЛАХХА кьуллукъ этер,
Джандет тёрюне джетер.





СЁЗЧЮ

Сууаб джолдан ол кетиб,
Шайтаннга тенг болады.
Биреуню сёзюн этиб,
Сёзчю гюнах алады.

Тюз тургъан тиширыугъа,
Ат-бет айтыб, кюледи.
Таяныб сёз буруугъа,
Джалгъан сёзню сюреди.

Чайкъайды джерни юсюн,
Уудан толуб, алынад.
Терс атлагъаны ючюн,
Гюнах саугъа тагъылад.

Нёгери шайтан болуб,
Халкъгъа заран салады.
Гюнах къабчыгъы толуб,
Терсейгенлей барады.





АЛДАННГАНЛА

Ол байлыгъын кёб этед,
Ёксюз хакъны ашайды.
Рысхыгъа терен киред,
Джагъым излеб джашайды.

Кече, кюн сагъыш этиб,
Терс акъылны къурады.
Раббийден узакъ кетиб,
Шайтаннга айланады.

Ол терсеед, АЛЛАХХА
Берген сёзюн бузады.
Рысхыгъа эм ачхагъа,
Алданыб, баш урады.

Бурулад кир иннетинде,
Эшитмейд къулакълары.
Джандырырла джаханимде,
Отун болуб, гюнахлары.





Алайды да, АЛЛАХХА,
Керти болуб баш урайыкъ.
Олд аламны Патчахы,
Сыйлы къулу болайыкъ.





КУКА БЕТИ ТЮЛДЮ ТАЗА

Джуртун, халкъын, динин сатхан,
Тилини хазнасын ойгъан,
Дунияда сыйлы болмаз,
Насыб бюртюк табалмаз.

Ол къыйынлыкъ, азаб кёрюр,
Джаны саулай джарты ёлюр.
Джюрек кёзю джукъланыр,
Бушуу аугъа булгъаныр.

Этеди шайтан айтханны,
Билмейд тобагъа къайтханны,
Джашайд налат, имансыз,
Ашайт харамны антсыз.

Толмайд сууаб сагъышладан,
Керид инсан дараджадан,
Кука бети тюлдю таза,
Джюреги уа къядю къара.





ЗАРЛЫКЪ

Тынчлыкъ табмайды зарлыкъ,
Уу кѣз биреуге джетед.
Кир иннет, джюрек тарлыкъ,
Кѣбге аманлыкъ этед.

Ол барады, кѣутуруб,
Джетген джерин кѣаралта.
Сууаблыкъны унутуб,
Тийрелени таралта.

Зар иннет бла джашагъан
Халкъны этеди мыдах.
Тюзню хақъын ашагъан
Алады уллу гюнах.

Тутма биреуге зарлыкъ,
Аман ишден кери бол.
Кетсин дуниядан тарлыкъ,
Чомарт болсун джюрек, кѣол.





ТЕРСЕЙГЕНЛЕ

Сыйны, намысны атханла,
Керти динлерин сатханла,
Ибилис бла этелле ашау,
Имансыз, хылы-мылы джашау.

Джюрюйле, хауле айлана,
Зарлыкъ бла къаты байлана,
Тутуб терсликни аркъанын,
Джерлеб шайтанны тарпанын.

Аланы харамд ашлары,
Кёзлерин джабад къашлары,
Дуния кёрюнед алагъа ау,
Ахыратлары да болады шау.

Харам хакълыды къоллары,
Чалышлыд тутхан джоллары,
Тюзлюкню унутуб ала,
Ишлейле гюнахлы къала.





Ала отлада джанарла,
Азаб суулада батарла,
Бир АЛЛАХ нени да кӧред,
Тюзлюк тутхан керти тӧред.





ТӨРТТИЗГИНЛЕ

Сен ашхылыкъны төрүне джетмесенг,
Этген хазнанг аманлыкъ этерикди.
Ёксюзге, онгсузгъа юлюш этмесенг,
Бютеу рысхынг зырафха кетерикди.

* * *

Джашауунгу зауукълукъ излеб ётдюрсенг,
Намысны, уятны, акъылны тас этсенг,
Сууаб базманынга сен не саллыкъса,
Ахыр кюнде биргенге нени аллыкъса?

* * *

АЛЛАХ буюргъанча джашагъан насыбды,
Башхаланы ол керти джолгъа тартыр.
Аллай адамны къууанч басыбды,
Ол Къуран кергюзгенча этгенлей барыр.





* * *

Джерге ариулукъ бере, сейир гюлле чагъалла,
Чапыракъдан чыкъ тамчыла, кюмюш чача, агъалла.
Алтын Кюнню таякълары, нюр себелле, баталла,
Чууакъ кёкден мийикден, джулдузла кёз кысалла.

* * *

Малкёзле, мыйыларын къурутуб,
Джашауларын джутлукъда бардыралла.
АЛЛАХНЫ, динни да унутуб,
Ёмюрлерин аман бла ашыралла.

* * *

Меджгитге джеталмагъан, узакъ болуб,
Терен сезиб, намаз этер джер-джерде.
Джерни юсю джарыгъанд, къууанч толуб,
Халаллыкъгъа, муслиманнга, меджгитге.





* * *

Боранлатыб, биреулен сени сѣксе,
Аны джюрек тамыры терк кирленир.
Сенде болгъан, болмагъандан хапар берсе,
Сеннге аны суаблыкъ тѣрю келир.

* * *

Ислам дин бла байланмагъан джюрекден,
Ол муслиман болмаз.
Ёгюз ѳтмегенча ийне тешикден,
Джандет эшикден киралмаз.

* * *

Файгъамбарны, имамны айтханын,
Биз буйрукъ халда билейик.
Ала кѣргюзген тюз джолдан таймай,
Джандетге терең кирейик.





* * *

Сен сабырлы, дамлы болуб,
Сууаблыкдан керилirse.
Кечсенг, джарык нюрден толуб,
АЛЛАХ суюуб, кечилirse.

* * *

Зорлук джетген адамны,
Джыламугу АЛЛАХХА терк джетеди.
Тилеги, ахсыннганы,
Анга джууаб, болушлук бериледи.

* * *

Сабырлыкны ауазына тынгылай,
Эркишини тюзетген билимиди.
Рахатлыкны сейир булбулу джырлай,
Аны бютеу ариулугу, тилиди.





* * *

Аятланы кери этгенни
Унукьдургъан кюч тутар.
Самаркъаугъа джетдиргенни
Бедишлик азаб джутар.

* * *

Къуран тюз джолну тутад,
Дуниягъа джарыкъ тегед.
Аманлыкъны къурутад,
Сёзю бла насыб беред.

* * *

Билирге излегенинги,
Бир АЛЛАХХА сорурса.
Керти оноугъа сыйыныб,
Сен тюзлюкню къорурса.





* * *

Уллу АЛЛАХ чырт кечмейди,
Анга кьошакъ этгенни.
Ата-ананы джылатыб,
Ташагъа секиргенни.

* * *

АЛЛАХХА баш ургъанны,
Ол джандет джолгъа бурур.
Шайтаннга байланнганны,
Джаханим отха урур.

* * *

Кёкню сейир, чууакъ этиб,
Анда джулдуз джаратхан.
Бир АЛЛАХДЫ, джылтыратыб,
Аны бизге кьаратхан.





* * *

Муслиманла, джол кьоратыб,
Меджгитлеге терк джетелле,
Тилек тилеб, намаз кылыб,
АЛЛАХХА кьуллукъ этелле.

* * *

Кьураннга ийнаннганны,
Кёб аман заты кетер.
Ол, сууаблыкьдан толуб,
Сыйлы джандетге джетер.

* * *

Бек аманды ишлери
Тилчилени, билселе.
Эки адамны джау этиб,
Шайтанны кюдюрселе.





* * *

Къулуну джыйгъан хазнасын,
АЛЛАХ Хукму Кюн ашатыр.
Бу дуняда ызына,
Ол Къыяматдан къаратыр.

* * *

Сыйлы АЛЛАХ тилейбиз,
Сакъла бизни къаугъангдан.
Сууаб джашау излейбиз,
Къуру къойма сауугъангдан.





АЛЛАХХА БАШ УРУБ ДЖАШАЙЫКЪ

Тилейме джигер халкъымдан тѣзюмде,
Аллахха баш уруб джашайыкъ тѣзюмде.
Тарлыкны тамырын буруб юзейик,
Насыб тенгизни сууунда джюзейик.

Ислам дин джол ачад къууанч джерлеге,
Кюнню джарыгын беред миллетлеге.
Ол къарнаш шохлукъну кючюд, джылыгууд,
Тюз джашауну къадама, къурч буруууд.

Сейирликни ауазын, нюрюн тѣгед,
Джити къарамы бек узакъда кѣред.
Уллу къудурети адамны къутхарад,
Къуру да тюзлюкню джакълагъан къалад.

Анда сууабны къадары кѣрюнед,
Дамлы хазнасы дуниягъа бѣлюнед.
Бизге келедиле хурлу тауушла,
Ачыкъ кѣрюнелле къууанч ауушла.





Сыйыбыз керсин кьанатларын кенгнге,
Ислам динни джайыб джууукьгьа, тенгнге.
Адамлыкь тауну башындан кьарайыкь,
Керти затны байрагьын тутуб барайыкь.

Динни кьутхарыу нюрюне кьайтайыкь,
Дуния Патчахха махтаула айтайыкь.
Тюзелейик, Аллах болушур бизге,
Насыб чомарт тегьюлюр юсюбюзге.





ТЮЗЮНЕ БАРАЙЫКЪ

АЛЛАХДАН, къудуретлиден тилек тилейик,
Этген гюнахыбызгъа туру къарайыкъ.
Бизни къурагъаннга толу берилейик,
Кесибизни отдан, азабдан сакълайыкъ.

Баш уругъа тыйыншлы Ол джангыз бирди,
Аны суйген чагъад, джашайд, суйюнюб.
Аны къудурети ачыкъды, кертид,
АЛЛАХНЫ кючу бизге турады кёрюнюб.

АЛЛАХ, бизни джашат къыйынлыкъдан сакълаб,
Ашхылыкъны хар заманда тутарча эт.
Саугъасыз къойма, тилейбиз, тур джокълаб,
Бизлени тюзетиб, толу иманлы эт.

Бири-бирибизге Сен бизни илешдир,
Тарлыкъны, зарлыкъны бизден толу кетер.
Къарнашлыкъда, шохлукъда тирилт, кедишдир,
Къызгъанчлыкъдан къутултуб, халаллыкъны бер.





Къуранны, багъалатыб, окъургъа берилт,
Тюз къулларынгы рахатландыр, тазалаб.
Къууанч тойну къанатын джюрекде керилт,
Бизни насыблы эт, хазнанг бла, алгъышлаб.

Узакъда болсун бизден тарлыкъ эм аман,
Джашайыкъ сууаблыкъны таууна ёрлеб.
Джокъламасын бизни гюнахлы заран,
Хазыр турайыкъ сууаб садакъны джерлеб.

Динни хауасындан уртлайыкъ, солуюкъ,
Билим да алайыкъ, джюрегибиз толуб.
Сууаблыкъны чокъурагъындан тогъуюкъ,
Биз тюзюне барайыкъ, иманлы болуб.





Я АЛЛАХ, СЕН КЪУТХАР

АЛЛАХ, джарытсын деб, бизге
Нюр Кюнню кьаратханды.
Уллу насыбха деб, бизге
Джерни да джаратханды.

Чыкьча, биз таза болайыкъ,
Ашыбыз табылады.
Разылыкь бла да толайыкъ,
Джер бизге саугьагдады.

Тюзлюкню тутуб джашайыкъ,
Адамлыкьны кьурутмай.
Сууаблыкь таудан кьарайыкъ,
Борчубузну унутмай.

Сакьланырча азабдан,
АЛЛАХХА баш урайыкъ.
Тазаланыб аман затдан,
Бюсюреулю турайыкъ.





Я АЛЛАХ, сакъла эрингенден,
Аманлыкъдан къаратмай.
Къоркъгъандан, джукъ этмегенден,
Акбыл кемден таралтмай.

Уллу сынаудан гызмардан*,
Я АЛЛАХ, къутхар джарсытмай.
Дуниялада азабдан
Къоруула бизни, къыйнамай.

Мухаммадны (а.с.) айтханларын
Эшитгенбиз, алгъанбыз.
Бизни ючюн къайгъыргъанын
Билиб, Сеңге къайтханбыз.



* Гызмар – кызгъанч.





КЮЧЛЮДЮ, КЪДУРЕТЛИДИ

Я АЛЛАХ, Сеннге баш урабыз,
Къураннга ийнанабыз,
Ислам динни биз тутабыз,
Мухаммадха (а.с.) бойсунабыз.

Раббийибизге къайтабыз,
Уллу махтаула айтабыз,
Сенден тилек тилейбиз,
Биз болушлукъ излейбиз.

Джашау керек табдыраса,
Рахат төрде джатдыраса,
Сен джашыртынны кёресе,
Саулай дунягъа төресе.

Бизге акъыл, кюч бересе,
Керти джолну кёргюзесе,
Кёклеге, джерге. Иесе,
Барыбызны бек сюесе,





АЛЛАХ бирди деб турабыз,
Бийибизге баш урабыз.
Тобукъ бюгебиз, тилейбиз,
Джандет джарыгъын излейбиз.

Гюнахларыбыз къайнайла,
Бизни бек байлаб, ойнайла.
Сеннге джалбарыб айтабыз,
Кеч деб, тобагъа къайтабыз.

Дуня джюзюн джаратханса,
Кёкден Кюнню къаратханса,
Джан салыучу Раббийсе,
Хатерлисе, Къудуретлисе.





МАХТАУЛУ БИЗНИ ТЮЗЕТ

АЛЛАХ уллу тахтаны Иесид,
Ол дуняяланы Патчахыд.
Хакъимди, Къоруулаучуд, Бирд, кесид,
Кёклени, джерни АЛЛАХЫД.

Уллу махтаулары туталгъан олд,
Саулай дуняяны джарытхан.
Патчахха элтген, сууаб, джарыкъ джолд,
Олд джашау берген, джылытхан.

Сеннге баш урабыз, Я АЛЛАХ,
Буйрукъларынгы толтуруб.
Болушлукъ излейбиз сууаблы хазна,
Игиликни тутуб, болдуруб.

Сенден тилейбиз, бизни тюзет,
Насыблы болсун тегерек.
Къарамынгы сууутма бизледен,
Акбыл бер, тазада джюрек.





Сен суйгенлеге, кьош джазыкьсыныб,
Сакьла бизни чамланнганынгдан.
Насыблы джашайыкь, сууабланыб,
Игилик этиб, тюз тутуб сан.





ТИЛЕКЛЕ

АЛЛАХ мени джаратхан,
Тюзлюкню джолун юрет.
Джер юсюнде джашатхан,
Сууаб иште онглу эт.

Сен мени игиликде
Бардыр, тюзге илешдир.
Джашауумда, ишимде,
Керти сёзле сөлешдир.

Мен излейме сууаблыкь,
Ашхыландыр тилими.
Сен сездир джууаблылыкь,
Билирча тюз диними.

Керти муслиман болуб,
Багъалатырча Сени.
Билим кючден толтуруб,
Эт иманлы Сен мени.





Юлюш бер деу кючюнгден,
Сакъларча кыйынлыкъдан.
Къаратдыр игиликден,
Саугъала рахматынгдан.

Хар къуру да Сен онг бер,
Сакъларча шайтан, джинден.
Тёгер кибик халал тер,
Къоркъмазча кыйын ишден.

Сыйлы кёкледе, джерде,
Хатерлисе Патчахым.
Сеннге суймеклик менде
Эт бек уллу я АЛЛАХЫМ.

Сакъла эринчекликден,
Аманлыкъдан къаратма.
Кёрмейин, джукъ этмегенден,
Акбыл кемден таралтма.





Бек сынаудан, гызмардан,
Мени кьутхар, джарсытмай.
Дуниялада азабдан,
Кьоруула, Сен кьыйнамай.

Сеннге баш ургъанланы,
Гюнахларын кеч, Я АЛЛАХ.
Джазыкьсыныб аланы,
Джандетинге элт Я АЛЛАХ

Амин





СУУАБЛЫКЪНЫ КЮНЮ - ДИН

*Динде талай ой (оюм)
къайтарылыб айтылады.
Ол себебден, бу тизгинлени окъугъан
адам аны эсге алырын тилейме
(Джазгъан адам).*

Ислам динни нюрю джанады сеннге,
Сууаб джашауну джашнатады бютюн.
Бютеу кючюн, сыйын джаяды кенгнге,
Ийнакъ этиб, къучакълайд джерни юсюн.

Кёрюб тур чакъгъанын джашил гюллери,
Эшит, эркелетиб, керед къучагъын.
Джюрек джылытады сууаб кюнлери,
Джанны къоруулайды сезим бутагъы.

Иман джетиб суююб кючлесе сени,
Къууан, сакълан андан кери болгъандан.
Турсун эсингде нюр белгиси, эни,
Къанынг тюз ойнар къарыудан толгъандан.





Аны сууаблыд, огъур ёсюмлери,
Мамыр кюч берир сенинге тазалыгы.
Учуб, джукъланмагъан, акъ джилтинлери,
Тиер къууанч бла джылыуу, джарыгы.

Ийнан диннге, атма хазнасын ая,
Аны бла бол, джырлай джюрек къылларынг.
Келир, толкъунлаб, ол, нюзюрюн джая,
Джарыр сени бетинг, сабыр санларынг.

Джанынг алгыш бла мелхумгъа бёленир,
Зауукъ эт, учун иманны къойнунда.
Джашау, таурух кибик, сейир кёрюнюр,
Джюрют сууаблыкъны таза бойнунгда.

Диннге къуру да сени джюрегингде
Суюом орналсын, керти джашау къурсун.
Аны татыуу деу кёкюрегингде,
Джашаб, ёсгенлей, чакъгъанлай да турсун.





Ариуд таймаздан ийнагъы тамашад,
Ашхы хазналыды уллу къарыуу.
Сууаб тегеди, чагъады, ашыгъад,
Берек адамгъа кюч, дарман джылыуу.

Насыб бюркед динни кюню, джарытыб,
Асыулу, чомарт толкъуну кымылдай.
Сыйлы джол кёргюзтед, ачыкъ танытыб,
Огъур кючю, нюрю тамаша ойнай.

Сууаб мийикди, бегигенд бу динде,
Толгъанд ийнаныу айбат къууатында.
Шохлукъну кючю чакъгъанды бетинде.
Мамырлыкъны джазы, джашнайды мында.

Турад къуру да игилик къурулуб,
Гокка хансчыкъ джолунда дамлы чагъад.
Раббий ийген ашхылыкъ, бек бурулуб,
Чомарт сууаблыкъны шоркъасы агъад.





Динни ариу ауазы таб зынгырдайд,
Суюном кючю кёбдю, огъурлуд, уллуд.
Джюрек төрде джумушакъ, татлы джырлайд,
Дамлы, ышангылы тенгди, ол къурчлуд.

Исси, къургъакъ кюнде салкъынлыкъ болад,
Сууаб адамны кетмейди юсюнден.
Тюзлюк тутуб керти нёгерлей къалад,
Сейир къанат кереди джер джюзюнден.

Ийнан, динни чыкъсанг кенг къучагъындан,
Гюнах сени хорлар, джюрегинг джылар.
Терслик терк уруб сууукъ тылпыуунгдан,
Кючлеб аманлыкъ, чалдышлаб, тузакълар.

Сууаб джокъ джюрекде, эсде сёзледе,
Шайтан сени тартыр кесине тенгнге.
Мутхуз эсленир кюн такъыр кёзледе,
Бушуу кючлеб къонарыкъды джан төрге.





Булут джабар насыб кёлюнгю юсюн,
Дуниянгы тубан, чарс басыб турур.
Сени ангынгы кьурутуб тюзлюгюн,
Тамам боранлаб, бузлауукъ джел урур.

Алданмайын, сууаблыкъ бла сен джакълан,
Аман затдан тыйыл, салдырма джара.
Акъыл терсейтген аурууладан сакълан,
Гюнах этме, тохта, сен диннге къара.

Билим, игилик, акъылынг излесин,
Керти ийнаныуну этиб насыб джол.
Динни джолунда сезиминг тюзелсин,
Иман бегитиб, АЛЛАХХА керти бол.

Ариуду макъамы аны бек джылыд,
Чемерд, ийнаныб сен анга тынгыла.
Джюрек тёрюнгю арасыды, къылыд,
Сууаб джулдуз олду, тюзюн ангыла.





Диннге къанатынгы къагъыб, сен тартсанг,
Тиер игиликни кючю Кюн болуб.
Джюрек теренингден Раббийге къайтсанг,
Джарырса сен саулай, насыбдан толуб.

Буруб эсинги, кёлюнгю АЛЛАХХА,
Сезиб, хурмет джолунгу ач кери.
Джюрек тёрюнг, хатынг барсын Патчахха,
Джаша сый бла ахыр кюнюнге дери.

Динни билиб, унутмай, эсингде тут,
Къызыб сен, тансыкълаб, сууаблыкъ ойнат.
Гюнах ишни, аманны джелин къурут,
Керти тюзлюкню, сен чакъдырыб джашнат.

Сууаб джырлайд, ийнакълайд джылы джели,
Таукел чагъад ол динни атламында.
Джашнайд, джылтырайд аны кюнлю кёлю,
Тутад къутхарыу таза къарамында.





Джюрек кылынг, согъуб, тюзюне джырлаб,
Татлы, джумушакъ ариулукъну къатла.
Сюйюн, чучхур бурчакъладан сен къараб,
Тири халда алгъа бар, таукел атла.

Ийнан АЛЛАХХА, табыныб, Аны суй,
Керти иннет, тазалыкъ болуб ашынг.
Джандет изле, сууаб хазнадан сал юй,
Толсун игиликден, билимден башынг.

Ашхыд, джумушакъды, динни нюр хаты,
Келед тюз иннети, таза умутла.
Аны суйгенни, учады акъ аты,
Джолун джууалла сууаб шоркъа суула.

Сени джашауда иги зат этгенинг,
Джазгъы тангчад, ариуд, джюрек тазалыкъ.
Динни джолунда кючлю джюрюгенинг.
Сууаб болуб чагъар, къутхара ачыкъ.





Сыйлы динде махтаулу джырлайды тил,
Джарыкъ тѣгюлед джюрек тѣрге дери.
Анга ийнанмагъан, болад кѣмюр кюл,
Булут басад аны ѳзенин кери.

Дин бла джаша, джюрегинг рахат урур,
Сууаб ауазынгы бегит кесингде.
Сакъла, унутмайын, дин насыб бурур
Сеннге, Бир АЛЛАХНЫ тюшюр эсинге.

Джарыкъ джулдуз джылы къарар туурангдан,
Тюзлюк тутсанг, этген муратынг толур.
Кючю АЛЛАХНЫ таб тутуб къолунгдан,
Джашау джолунгда керти нѣгер болур.

Хурмет уядан ашхы затха къараб,
Къуру да джара, башхалагъа джерде.
Иги ишни сен джулдузларын санаб,
Огъур гюлню чакъдыр иманлы кѣлде.





Ашхы тенгизде чокъуракъ сюзюле,
Эсде сыйлылыкъны ёмюрге бегит.
Келлик Кюннге сагъай, сууаблыкъ изле,
Уян, Ислам динни ауазын эшит.

Кючюн, жарыгъын иманны сакълаб тур,
Сыйлы ёзенде тынгыла тауушха.
Джюрек тамырынгы Кюн джылыугъа бур,
Дарман хауалы, хазналы ауушха.

Джарыкъ сагъышынгы тюзлюкге къарат,
Кюмюш чучхурну тут джылтыратыб.
Къызыу толкъунну учхан сууун къайнат,
Ислам динни нюр джылыууна къайтыб.

Джашау джолунгда ашхы динни джакъла,
Уллу къууанчха кесинге аны санаб.
Махтау бер АЛЛАХХА, эсингде сакъла,
Сёлеш игиликни тауундан къараб.





Гюнах зат джарылыр, кьаралыр, кюер,
Иги бла джюрегинги толтур, бир эт.
Сууаб гюлю чагъыб, ол сени сюер,
Джашнаб джашауунг, ашхылыкъгъа джет.

Джокълат джигитликге иннет джуртунгу,
Керти сезиминги татлы ауазын.
Кёзден ауну атыб, ач умутунгу,
Чакъдыр ангынгда хурметликни джазын.

Турсун ашхылыкъ, сйирлик мийикде,
Сууаб терекде чапыракъ шууулдаб.
Чакъсын чомартлыкъны гюлю юйюнгде,
Санга къюулсун сууаб суу шоркъулдаб.

Къууанч булбул джырласын тюз башынгдан,
Татлы ауазы дунягъа тегюлюб.
Мийик тауланы гоккалы хансындан,
Сеннге ариулукъ тегюлсюн керюнюб!





Керти кючюнгю чууакълы кёгюнде,
Сууаб джулдузланы сен джандыр ачыкъ.
Мамыр кюч, джарашыулукъ тут эсингде,
Изле къутхарыу, джахилликни чачыб.

Дин шайтан бугъоуну сынджырын чачар,
Иман таугъа чыгъарыр ол ангынгы.
Тюзлюк хорлаб, сууаб кёпюрюн ачар,
Джарыкъ, джылы, этиб хар бир тангынгы.

Сени джюрюр джолунгу кёргюзед дин,
Этиб ийнаныуну ол баш юлгюсю.
Андан джарытады, джылтырайды кюн,
Таукел тутуб кертини нюр кюзгюсю.

Динни кемсиз суйсенг джюрек тебдириб,
Татлы сезим къозгъар аны тауушу.
Борчун эм кесин адамны эслетир,
Эшик ачар сууаблыкъны ауушу.





Бизге саугъагъа ол ичгери келед,
Къууат салат, иман бла тюз джашатад.
Саннга, къаннга джылыу, рахатлыкъ беред,
Дамлы, татымлы, таза аш ашатад,

Сууаб рысхынгы ол тауун, таласын,
Ашхы кёргюзтед, къанатларын кериб.
Адам улуну насыблы къаласын,
Ачады, къууанч, суймеклик да бериб.

Табын бир АЛЛАХХА, сеннге кюн тиер,
Тёгер нюр джарыгъын тыбыр джылыуунг.
Мамыр гюлню кючю тамырын иер,
Чыгъар, тохтаусуз, сени ичер сууунг.

Нюрлю джаякъла сейир къызарырла,
Ата бла ананы сыйларса чомарт.
Къууанч тёкген кёзле таб ышарыра,
Джашау джолунгда артха къалгъанны тарт.





Джылы джел урдурад динни атламы,
Хурмет кючю аулайд джюрек тюзлени.
Элтед тюз джолну сейирлик къарамы,
Ариу чакъдырыб сууаблы гюллери.

Сен кёрюб тохтаусуз динни джарыгъын,
Аны джюрегингде ёмюрлюкге тут.
Сезиб ёзегин, бютеу тазалыгъын,
Анга къайгъыр, къуру да ий эс, умут.

Кенгнге ачад ол сууаблыкъ ёзенин,
Къарнаш шохлукъ анда къаты байланад.
Керти джолну кёргюзеди Илам дин,
Аны алгъан Бир АЛЛАХХА сайланад.

Терсден, гюнахдан къалайыкъ узакъда,
Бизге урсун гюлню ариу ийиси.
Табын АЛЛАХХА, тюшме от тузакъгъа,
Кенггерсин ангынгы джуддуз кюйюзю.





Керти йинаныуну төрюне сайлан,
Аман затны, терсликни терк кьоратыб.
Эсинг, джюрегинг бла сен диннге айлан,
Джашау джолда насыб терек орнатыб.

Билсенг, борчха боллукьса бек джууаблы,
Джер юсюнде джокьду ёмюрлюк турлукь.
Уллу АЛЛАХНЫ эсгериб, бол сууаблы,
Сени джакьласынла сый бла ариулукь.

Ислам дин кьуру да төгеди джарыкь,
Бизге насыб, сууаб харакет иед.
Олду адамны амандан сакьларыкь,
Уллу саугьа, сеннге джумушакь тиед.

Аны кюню джылыу береди, изле,
Джюрек кёзюнг тюзюне ариу кьараб.
Болуб турурча сейирлик кенг тюзле,
Эсинг, билиминг джерни юсюн аулаб,





Джашнайды сабырлыкъ сууаб джулдузда,
Джарыкъ ойнар, суйюб сени юсюнде.
Джазгъы танг атыб кёкюрек ауушда,
Ашхы джашар биргенге хар кюнюнде.

Тёгед ол кюмюш бюркген чокъурагъын,
Кючюн тюзлюкню чырмаб аягъынга.
Сеннге хазнасын, кереди къучагъын,
Сууаб аязчыкъ къагъыб джаягъынга.

Аны кючю къуру игилик этед,
Бир АЛЛАХХА баш ургъанны къанындад.
Кёбню тюзетед, излегеннге джетед,
Талпыб билим беред, адам ангындад.

Тазалыкъ джайыб, джашайд джер юсюнде,
Насыб къанатларын кереди тангнга.
Иман тауну джомакълы ёзенинде,
Мадар, амал кёргюзеди хар джаннга.





Батырды, халалды, сейир джумушакъ,
Къутхарыу джарыгъын дунягъа төгед.
Джылы макъамы этеди татлы ушакъ,
Терсни, къырсыкъны гюнах чыгын сөгед.

Джашау толкъунда сен, таукел учунуб,
Къучакъ кер турады сакълаб къатынгы.
Сууаб хазнада хар къуру джууунуб,
Эшит, айтады ол сени атынгы.

Тюшюб игиликле баргъан джолунга,
Учуб сый, ашхылыкъ келмейин къалмаз.
Насыб сууу къуюлур, чомарт къолунга,
Къуран болур устазынг, накъут - налмаз.

Динни керти джолу, таза алгъышы,
Джюрек ауазы кенг ачылыр санга.
Акбыл хазнангы хар сууаб сагъышы,
Элтир джандетге, сен баш ур АЛЛАХХА.





Джарыкъ кючюн ол дунягъа чачад,
Сууаб таудан къараб, ышарад джюрек.
Тюзню ийнакълы къанатларын ачад,
Ариу сезим чагъыб, джашнайд тегерек.

Кючлеб къарнашлыкъны ол бизге келед,
Анда ашхылыкъ, игилик кёрюнед.
Динни сейир хазнасы нюрюн тегед,
Уллугъа, гитчеге чомарт бёлюнед.

Хыны сууланы толкъунларын байлайд,
Тау джитиледе эритед бузланы.
Адамны ангында, къанында къайнайд,
Кюн тийиб, джарытад къара тауланы.

Булбул тилинде рахат джырын джырлайд,
Джашайд, ол насыбны гюлюн чакъдырыб.
Кючюн джаяды, сууаблыкъ бла сыйлайд,
Керти джюрекге бал тамчы акъдырыб.





АЛЛАХ ийген саугдаы, нюрюн кьуяд,
Берен инанганнга айбатлы тюрсюн.
Джерни юсюнде тюзлюк салгъан уяд,
Сенде иннет Ислам диннге суйюнсюн.

Уллу кьууатлыкь джюреклеген салат,
Ашхы джибни кьатлайд, таймаздан тартыб.
Иман деменнгилит, сууабха арад,
Огьурлу терекди, кетмейди саркьыб.

Учхан джырын согьады нюр кьобузу,
Сыйы, кьарыуу чомарт болум кьурад.
Адеб, намыс тутад мийик джудузу,
Сеннге кьутхарыуну джарыгьын бурад.

Кюмюш бюркед таза, чокьуракь сууу,
Динни хазнасында джандет гюл чагдад.
Терсни тюзетед, ойнайды акь бууу,
Дамлы джылыуу, хар адамны багдад.





Джаратхан АЛЛАХХА кьуллукъ этдиред,
Ачыкълаб деу кючюн, Аны бирлигин.
Багъалы муратына да джетдиред,
Кёргюзед хар адам джууаб берлигин.

Таза бетли динни суйсюн джюрегинг,
Ёсдюр билиминг бла аны урлугъун.
Чыкъдан ариу, кирсиз болсун иннетинг,
Къатла, юлеш сууаблыкъны кьорлугъун.

Толгъан Айча джарыт тюзню, таулары,
Уллу кьууанч, насыб изле халкъынга.
Керти диннге чакъыр бютеу саулары,
Талпыб болуш, джукъ алмайын хакъынга.

Огъурлукъ хаманда турсун юсюнгде,
Къалсын аманлыкъдан кенгде хар тёлю.
Табын АЛЛАХХА кеченгде, кюнюнгде,
Толуб турсун хаман билимни кёлю.





Тиле Бир АЛЛАХНЫ къуру кесинден,
Иман, кеч! - деб, гюнахларынгы, насыб.
Атын АЛЛАХНЫ кетерме эсингден,
Джаша дин бла, юсюнгю къууанч басыб.

Джюзед кертини кёгюнде кюмюш Ай,
Насыб джулдуз джанад, салады къууат.
Сууаб тенгиз чайкъалад, болмайды сай,
Акъ сууу джюрекни тазалаб, джууад.

Алгыш эт, ийнныу джандет джарыгъыд,
Къанат бериб, ашхы ишге джерлетед.
Къууанч, джюреклени тынгылы джырыд,
Аны мамыр кючю мийик ёрлетед.

Татлы ауаз келед хар тюзюуюннге,
Билим тегеди, джашнайд онглулугъу.
Табын АЛЛАХХА, дейди буйрукъ бизге,
Керти кючню къуюлуб нюр къорлугъу.





Динни тюздю джолу, сейирди уясы,
Джерни юсюне акъ къанаты джетед.
Ашхы иманны таркъаймаз дуниясы,
Къуру да, ийнакълы, къучакълы ёсед.

Толуд сабырлыгъы, джарыкъ билими,
Къарайды сеннге къутхарыу къучакъдан.
Джюзед тенгизин ол ана тилими.
Сусаб къандырыб, ич сен чокъуракъдан.

Аманны, игини айырад, сюзед,
Таза шоркъаны толкъунунда ойнайд.
Джарыкъ нюр болуб къарангыны юзед,
Сууаб къанат къагъыб, ышарыб къарайд.

Сюйюб турад хар адамны къатында,
Огъур бурады, учунуб талпыуу.
Булбул джырлайд джумушакъ ауазында,
Тюзлюк чакъдырады аны тылпыуу.





Джерни юсюн джарытад сейир нюрю,
Аны татлы джыры санны джылытад.
Джандетде джашауну кьууанчлы кюню,
Чомарт кьолун бизге суйюб узатад.

Тюзлюк, мамырлыкь, рахатлыкь да сакълайд,
Шохлукь кюч бла байлаб тюзню тенгишге.
Кьуру ашхы затны хурметин джакълайд,
Къатлайды игилик, имейд энишге.

Джашау татлы, сейир кёрюнюр сеннге,
Сюерсе, Кечиучюню хар затдан бек.
Сыйынмай, кьууанчынг джайылыр кенгнге,
Тигим болуб андан, джубаныр керек.

Терсен, аманлыкьдан сен кесинги тый,
Динни бил, абынма, сууаблыкь изле.
Бютеу акъылынгы, эсинги да джый,
Кьурут кьарангылыкьны, билим кючле.





Къууат салырла огъурлу кёзлеринг,
Къууанырла сеннге, джер юсю, алам.
Учарла АЛЛАХХА махтау сёзлеринг,
Динни джырын джазар талпыб къалам.

Оюм этиб, сен игиликге бёлен,
Бир АЛЛАХХА баш ур, тамам къадалыб.
Джолун аманлыкъны кесиб кёнделен,
Къууан, ийнакълан, сууаб бла джасалыб.

Чыгъыб тузакъдан, азатла эсинги,
Керти джолда тур, насыбынга тюбеш.
Джыйыб терен акъылынгы, кесинги
Джерни юсюнде, ариу тутуб кюреш.

АЛЛАХ Ислам динни адамгъа бергенд,
Джашау джорукъ къураб, анга чакъыра.
Нюрюню къанатларын кеннге кергенд,
Андан келед бизге сууаб тамаша.





Билим таугъа бизни ёрлетед кючлеб,
Джанны джахилликден кери чыгъарад.
Аны халын, ариу джарытыб, илеб,
Ибилисден, шайтанладан, къутхарад.

Табынма АЛЛАХДАН башха бир затха,
Ислам динни джолунда бар тюзлюкде.
Билим изле Раббийден, турма артха,
Джашил гюлле джыйыб сууаб кюзлюкде.

Тюзден, тюзелгенден джылы нюр урад,
Дуния джарыкъ кёрюнеди ангынга.
Джюрек къалада насыб къанат къагъад,
Огъур кюч къуюлад сени къанынга.

Къууан игиликге, тёзюб, билим ал,
Болсун нёгеринг иман бла сабырлыкъ.
Сууаб базманынга ашхы хазна сал,
Сакъла джюрегингде уллу чомартлыкъ.





Алгыыш этиб къара хар атхан тангнга,
Джашайса, къудуретде сен кёллениб.
АЛЛАХ этгенд таблыкъ, игилик санга,
Тураса, Аны хазнасына бёлениб.

Ислам дин къутхарыу къанатын къагъад,
Аны джарыкъ кючю гюнахдан сакълайд.
Сууаб гюлю, къудурети бек чагъад,
Хурмет толкъуну бурулады, къайнайд.

Болуб таукелликни джарыкъ кюзгюсю,
Джюрек къылынгы эркин ач ауазын.
Сууаб джолда мийик кючню юлгюсю,
Кенггергерт, харакетни урдур хауасын.

Уллу АЛЛАХ бизге сыйлылыкъ беред,
Олду джарытхан бютеулей ангынгы.
Билим хазнасы не затха да джетед,
Сени джашнатады джашау тангынгы.





Къурандан, Суннадан юрен джашаргъа,
Ашхы джолгъа, джандетге кесинги бур.
Сууаб толуб, тыйыншлы бол махтаугъа,
Бир АЛЛАХХА ийнаныб, къуллукъ этиб тур.





ИМАНЛЫ БОЛ

Баш урма Бир АЛЛАХДАН башхагъа,
Ийнан келечиси Мухаммадха (а.с.).
Аны бек сыйлы китабларына,
Мёлеклерине бла Къыяматха.

АЛЛАХ билдиред, ёлюмге ийнан,
Тюзлюкден толлукъду Сорулдукъ Кюн.
Сууаб базманынг дженгиб, сен сыйлан,
Къууаныб суйюн, иманынг ючюн.

Бир АЛЛАХ айтханны ишексиз эт,
Тураса сен хазнасында Аны.
Алай тюл эсе, башха джерге кет,
Ашайса, Ол табдыргъан азыкъны.

Джокъду, боллукъ тюлдю Анга ушаш,
Хар этген ишинги кёрюб турад.
Къураб, дуняда этеди джууаш,
Тюзлюкге Ол нюр къарамын бурад.





Бир АЛЛАХХА кертелей къалайыкъ,
Биз борчдан тайсакъ, азаб къатылыр,
Раббийге къошакъ къошмай джашайыкъ,
Ийнанмагъан ач отха атылыр.





КЪУРМАН БАЙРАМ

Къурман байрам муслиманнга саугъады,
Уллу АЛЛАХ белгилегенд аны.
Сууаб ишлени ачыкълагъанды,
Къурман этгенни джарыйды джаны.

Къууанч тегюлед, джылы къарайды,
Байрам кюнде ашхы иш этейик.
Сууаб къатлау емюрге джарайды,
Керти джюрекден сыйгъа джетейик.

Бизни джашауубузну сакълайды,
Уллу махтау АЛЛАХХА берейик.
Огъур ишлерибизни джакълайды,
Анга суймеклик къанат керейик.

Таза келлюдю, гюлча, чагъады,
Рысхы джойгъан динни джолунда.
Аны иннети тюздю, тазады,
Сууаблыкъ тутад чомарт къолунда.





АЛЛАХДАН игилик табарыкъды,
Хар тюгю ючюн кесген малыны.
Аллай адам сууаблыд, джарыкъды,
Джашнайды төрю джюрек халыны.





КЪАБЫРЛА

Къабырлада барла муслиман ёлюкле,
Ийнаннганла, джандетлени кёрлюкле.
Ислам динни джолун суюб баргъанла,
АЛЛАХХА ышаныб, бек баш ургъанла.

Джашау джолларында тюзлюк этгенле,
Ашхы муратларына да джетгенле.
Атаны, ананы бек сыйлагъанла,
Башханы, аманлаб, кыйнамагъанла.

АЛЛАХХА тохтаусуз махтау бергенле,
Этген тилеклерин толу кёргенле.
Тюз урунуб, халал аш ашагъанла,
Джерде къаугъа ачмайын джашагъанла.

Кёблени тюзюне, диннге бургъанла,
Онгузгъа джакълыкъ этгенлей тургъанла.
Законнга, джорукъгъа да сыйыннганла,
Тыйгъыч салыннгандан да тыйылгъанла.





Зарлыкъны, тарлыкъны кенгнге атханла,
Бир АЛЛАХНЫ эслеринде тутханла.
Адебни, намысны теблеменле,
Адамлыкъ шартларын тас этмегенле.

Дуня зауукълугъун кёре билгенле,
Шукур этиб, АЛЛАХХА махтау бергенле.
Мухаммад (а.с.) файхамбарны эсгергенле,
Къураннга эслерин толу ийгенле.

Биз, унутмайын, къарайыкъ алагъа,
Сууаблыла, муслиман къабырлагъа.
Джууукъну, тенгни да бирча джожълайыкъ,
Анда мамырлыкъны кючюн сакълайыкъ.

Уллу сын таш этмей, белги салайыкъ,
Ислам динни излеминде барайыкъ.
Ариулаб, таза тутайыкъ аланы,
Кирсиз этгенча хурметли къаланы.





Билейик, джашауну АЛЛАХ бергенин,
Эсгерейик, ёлюмню кёргюзгенин.
Тобагъа къайтайыкъ, ёкюнейик,
Биз да ёллюкбюз, анга тюшюнейик.

Сансыз этмейик къабырларыбызны,
Ол дунядагъы адамларыбызны.
Ислам динни джорукъларын тутуб тюз,
Садакъа берейик ала ючюн биз.

Зикирни санаусуз бек кёб этейик,
Ёлгенлерибизге тилек тилейик.
Биз АЛЛАХНЫ тутайыкъ эсибизде,
Иман бегитиб джюрек тёрюбюзде.

Тёгерекни кючлеб сууаб тамырла,
Туралла рахат муслиман къабырла.
Мамырлыкъ бассын ала болгъан джерни,
Къартны, сабийни, тиширыуну, эрни.





Алтын Кюн мийикден къарайд алагъа,
Сын ташладан толгъан джашил талагъа.
Алайына кёб сууаблыкъ къуюлсун,
АЛЛАХ ийнаннганнга джандет буюрсун.

Амин





КЁРЛЮКДЮ АЗАБНЫ БАШЫН

Бирле, аманлыкъны кючлеб,
Билгичле болургъа излеб,
Сууаб ишлени къурутуб,
Уллу АЛЛАХНЫ унутуб,

Шайтан бла джин бла ойнаб,
Харам муратлары къайнаб,
Барадыла, учуб, тайыб,
Гюнах къучакъларын джайыб.

Аллай адам бек абынад,
Ол, Ибилисге табынад.
Джугарыкъды джыйгъан ашын,
Кёрлюкдю, азабны башын.





СЫЙЛЫЛЫКЪ

Сагъышында, ишинде муратына джетген,
Ибилис бла сермешиб, къзауат этген,
Джигитликди, батырлыкъды, тюзлюкню тангыд,
Адамны джашаууну бек иги джаныд.

Аллай тюзлюкню хазнасында джашар,
Сыйны мийигинде халал азыкъ ашар.
Ислам диннге берилир джюреги, кеси,
Уллу АЛЛАХХА кетиб акъылы, эси.





АЛГЪЫШ

Бютеу дуняны нюр Патчахындан,
Тилейбиз тилекле Уллу АЛЛАХДАН.
Кюнлюбюз хаман онгуна айлансын,
Джерни юсюнде мамырлыкъ сайлансын.

Адам улуну джюреги къууансын,
Тюнгюлмей, хар джан насыбха уянсын.
Инсан джарыб, Ислам диннге бурулсун,
Терсден, гюнахдан да бек кери турсун.

Бизни джакъласынла сый бла ариурукъ,
Джашауубузда кетмегенлей турлукъ.
Терен ангылы, джарыкъ эм джууаблы,
Болсун келишиу да дайым къууатлы.

Джашау чайкъалсын бек къууанчлы халда,
Бизни кёб игилик сакъласын алда.
Турсун чакъгъанлай дуняда джарыкълыкъ,
Уллу сыймеклик, чомарт джумушакълыкъ.





Бютеу кючюн зарлыкъны кьурутайыкъ,
Ашхы затны терегин орнатайыкъ.
Тамыр ийсин, джашасын ишленмеклик,
Чакъсын сууаблыкъ, тюзюуюн иннетлик.

Джюрек тазалаб, булгъанмайын кирге,
Бизни байлаб бурсун сыйлылыкъ бирге.
Джуртха болайыкъ биз керти, багъалы,
Ишде, юйдегиде кенг магъаналы.

Ауруу бла палах кьалсынла узакъда,
Сынгар инсан термилмейин тузакъда.
Сыйлаб ёксюзю, онгсузю джакълайыкъ,
Динни тутайыкъ, тюз джолну барайыкъ.

Келген буйрукъланы адам толтуруб,
Билим тёрюнде зауукълу олтуруб.
Турсун, болайыкъ джетишимни эси,
Бизни сакъласын Аламны Иеси.





Болсун акъылыбыз уллу, терен, бай,
Келсин огъурлулукъ, къач, къыш, джаз эм джай.
Мамырлыкъны кючюн тутуб джашайыкъ,
Джигер ишлеб, халал азыкъ ашайыкъ.

Аман, осал затдан кенгде къалайыкъ,
Игилик этиб, базманнга салайыкъ.
Тийиб турсун, алтын Кюнча, джылтыраб,
Сууаб, гюнахланы кирин ариулаб.

Талпыб, кюн сайын джюрекни ачыкълаб,
Булбул ауаз бла нёгер тансыкълаб.
Ашхы умутну болайыкъ къаласы,
Тюзлюк кючню, сейирни тамашасы.

Тарлыкъ бла къырсыкълыкъны биз атайыкъ,
Таза иннет бла биригиб джашайыкъ.
Сууаб ишге джюреклени къурайыкъ,
Мелхум берекетден чомарт толайыкъ.





Керти устазыбыз болсун Ислам дин,
Халкъдан къурумасын ашхы адет, тин.
Тутуб аланы бир - бирге болуша,
Джашаб барайыкъ хар затны соруша.

Халкъдан, юйюрледен, аман зат кетсин,
Сууаб джол бла бизни Бир АЛЛАХ элтсин.
Тау джуртда рахатлыкъ чомарт ойнасын,
Мелхум къазан от джагъада къайнасын.

Болуб биз джашауну джаннган чырагъы,
Сейир сууаблыкъны алтын таягъы.
Уллу бла гитчени къачын керейик,
Алагъа биз таймайын эс бөлейик.

Уллу АЛЛАХ джашау тамалла берсин,
Джерде ашхылыкъ нюр къанатын керсин.
Унутмай динни, иманлы болайыкъ,
Огъур кючден, джигерликден толайыкъ.





Къуру тюзлюкню биз нёгер этейик,
Алай бла иги муратха джетейик.
Биз, акъылыбызны тюзюне буруб,
Джерде джашайыкъ АЛЛАХХА баш уруб.

Миллет-кърал тамалларыбыз ёссюн,
АЛЛАХ насыбны барыбызгъа тёксюн.
Ана тилибизде чыгъарма чыкъсын,
Алтын гюл болуб, ёмюрлеге чакъсын.

Бизни сууумай тыбыр джылыуубуз,
Чыкъсын, таркъаймасын ичген сууубуз.
Уя салсын джюрекде асыл, дамлыкъ,
Турсун кетмейин бизден адамлыкъ.



МАГЪАНАСЫ

Бисмиллаахир-рахмаанир-рахим	
Тюзлюкню чучхуру кьююлады	3
ИГИЛИКНИ НЮРЮ	5
Иинанама мени бийимди АЛЛАХ	5
АЛЛАХНЫ кюдурети	6
Нюр джарыкъ	8
Зекят	9
Ораза	11
Хадж	13
Джашауну магъанасы	16
Муслиманчылыгынг.....	18
Кьутхарыуну чокьурагы	21
АЛЛАХ туруду	23
Кьуран	26
АЛЛАХХА махтау береме	27
АЛЛАХНЫ сюйгенле	29
Садакьа	30
Муслиман болур	32
Сезерсе сууабны сюйюннгенин.....	34
Джууаблылыкьны сез.....	36
Ийнаныу джюрекден кьурумасын.....	37
АЛЛАХХА берилеиик	38
Джумушакь ангылат	40
АЛЛАХНЫ сюейик	42

Рысхыгъа берилген	44
Болурбуз кечилирге	50
Сууаб ишни унутма	51
Нюр джудуз джанар	52
Билим	54
Намаз	56
Межгит	58
АЛЛАХХА толу ышан	59
АЛЛАХ гюнахын кечед кьулуну	61
Палахдан, азабдан сакълар	63
Джандет	65
Сеннге джетгенни эт	68
Джаханим джутарыкъды.....	69
АЛЛАХ бирди	71
Кёргюзтейик тирилик	72
Иманлы болайыкъ	73
Излегенини кьулуду	75
Разыма АЛЛАХХА	77
Береди онгла	79
Йеси сакъларыкъды	80
Дунияланы Бийиди	84
Джандетде зауукъланырса	85
Ёксюзю хакъы	88
Игилик кьатлау	89
Тюрленмейди	90
Динни татлылыгъы	92

Берилликди джууаб	94
Джангы зат тюрлениудю	95
Дуния Бийге боисунайыкъ	97
Ачыуланма	99
Бөгекликни юсден кьурутайыкъ	100
Сууаблыкьны джолу	102
Кесине этед аманлыкь	104
Джумушакьлыкь	105
АЛЛАХХА кьайтайыкъ	106
Джюрекдени джарытханд	108
Тёзюм нюрдю	109
Уллу махтау береме	111
АЛЛАХ кёргюзгенча барайыкъ	113
Сууаб гюллери ёсюб	116
Уллу ширк этме	117
АЛЛАХХА баш ур	118
Унутма АЛЛАХЫНГЫ	121
Сени шохларынг	123
Джашамайды турса да джылтыраб	124
Гитче ширк	126
Ийнаныргъа керекди	128
Кьутхарлыкь харакет	130
Иман джюрекге сингсе	131
Кьоркьайыкъ джакьсызлыкьдан	133
Ашхы мурат	135
Тюз билим ал	137

Ол бизни кёред	138
Сууаб хазна.....	139
Уялыу	140
Насыб бла джет.....	142
Къыямат Кюн.....	143
Тюшонейик.....	145
Сёзчю.....	147
Алданганла	148
Кука бети тюлдю таза.....	150
Зарлыкъ	151
Терсейгенле.....	152
Тёрттизгинле.....	154
Аллахха баш уруб джашайыкъ.....	162
Тюзюне барайыкъ.....	164
Я АЛЛАХ, сен къутхар.....	166
Кючлюдю, Къудуретлиди.....	168
Махтаулу бизни тюзет	170
Тилекле	172
Сууаблыкъны кюню-дин.....	175
Иманлы бол	201
Къурман байрам	203
Къабырла	205
Кёрлюкдю азабны башын	209
Сыйлылыкъ	210
Алгъыш	211

Хусеин Узеирович Лепшоков

ОЧИЩЕНИЕ

Стихи о религии на карачаевском языке

Формат 70x84 ¹/₃₂. Бумага офсетная.

Печать офсетная.

Заказ № 118 Тираж 500 экз.

Отпечатано с готового оригинал-макета.

ООО «Нартиздат»

г. Черкесск, ул. 1-я Подгорная, 2